

MAELE LE MAELANA A BASOTHO NGOAHA KETE WA 2000 (A-Z)

*(BASOTHO PROVERBS AND IDIOMS IN THE NEW
MILLENNIUM: A TO Z)*



Ka MADIELA CHITJA

SELELEKELA LE SEPHEO

(background):

Ho hlokomedisa Basotho hore ho na le kgetho e fetang 1000 ya maele le maelana kapa dika-puo tsa Sesotho ao ba ka kgethang ho a sebedisa letsatsi le letsatsi ntle le ho sebedisa maele a merabe le dichaba tse ding. Ho elelletsoe hore nakong tsa joale, bongata ba batho ba batsho ho kenyeletsoa le Basotho ba batla ba lebala ho kgaba le ho ikgantsha ka puo tsa bona.

Lebakabaka la ho batla kapa ho batlisisa maele, maelana le dika-puo kapa mekgabo-puo (*proverbs, idioms and figurative speeches*) ya Sesotho le ho a ngola ke hore ekare babang ba Basotho ba tshaba Sesotho: ho se bua kapa ho se ngola. Babang ba nahana hore ha ho letho leo kapa seo Sesotho se ka ba etsetsang sona; babang ba tlasa khatello ya dipuo tsa dichaba tse ding; babang ha ba se tsebe; babang ke mawatla a nahanang hore puo tse ding di bohlokoa hofeta tsa bona (*inferiority complex*); babang ba kene kapa ba kena dikolo tse hlokanang Sesotho le tshebediso ya maele, maelana le mekgabo puo; babang ha ba tsebe le maele a mmalooa feela, mme ba koekoetla Sesotho. Babang ba ngola puo ya Sesotho ka tsela eo ba e ratang, ho sa natsoe hore maele kapa maelana ao ba a ngolang kapa ba a buang a nepahetse kapa che. Babang ba kopanya maele le maelana mmoho le dikapuo ebile ba sa thole phapang.

Bonneteng ke hore kajeno nka o hlapanyetsa hore ha ho motho ya ka tsebang setho, moetlo kapa puo tsa dichaba tse ding ka botlalo a sa tsebe puo ya habo, moetlo kapa mekgwa le ditlwaelo tsa habo!!! ***(You will never excel in any language, culture, tradition or custom if you do not know your own language, culture, tradition and custom!!)***.

Millenium eo re leng ho yona e batla diqhenqha, dikokonono, dihanyatha le difonthoane tsa sebopeho puo ya Sesotho e le hore o phomelle.

MADIELA CHITJA

2010/05/26

madiela.chitja3@gauteng.gov.za

MAELE KE ENG? (What are proverbs)

Maele ke pokeletso ya mantsoe a etsang polelo a fanang ka molaetsa o eletsang empa moelelo wa ona o sa bolele se ngotsoeng kapa se buuwang. **Maele** ke sehlopha sa mantsoe a eletsang le ho laya ngoana Mosotho kapa motho eo a nahanang hore ke Mosotho. **Maele** ke polelo e hlhisang botebo ba se boleloang ka ho lotha kapa ho hlalosa ka tsela e tebileng haholo. **Maele** ke botebo ba se boleloang sa puo efe kapa efe. **Maele** ke puo kapa polelo e ikgethang ho tse tloaelehileng ebile e fana ka tayo kapa keletso e phethehileng kapa e phethahetseng. **Maele** ke polelo ya tlholeho e kgalemelang ebile e fihlile le motho lefatsheng leo a phelang ho lona.

Maele a tloaelehileng a sesotho ke ana a latelang: **Nonyana** kahlamela(ahlamela) mmolai; Ha e antshe ka **mokukutoana** mma yona a le teng; Le pele di na le **baji**; Bana ba **kgoaale** ba bitsana ka molodi; Dia bela dia hloeba, **makgulo** ho psha a matala; **Mma ngoana** o tshoara thipa ka bohaling; **Sethoto** ke lefa la ba bohlale; **Moloi** ha a mele boya; Bo tshoala bo **chesa**, bo tsohe bo fodile; **Mahlo** ke diala ha a je sa motho; **Marabe** o jewa ke bana; Lentsoe la **morena** le haeloa lesaka; Mmesa mohloane ha a **fanye**; Mosha ha o fula o wa **qamaka**; Kgomo ha enye bolokoe kaofela; **Ntjapedi** ha e hlloe ke sebata. Jj. **TEMOSO**: lentsoe lena, maele, le dula le le ka bongateng. Ho bolelang hore ha ho ntho e bitsoang "**leele**" ka puo ya Sesotho.

MAELANA KE ENG?? (What are idioms)

Maelana ke polelo e kgutshoane (hangata hofeta maele) eo moelelo wa yona o sa lateleng sebopelo puo sa sechaba sefe kapa sefe ebile moelelo wa teng o sa bolele se ngotsoeng kapa se ntshoang molomong. **Maelana** ke polelo e patang se hlalosoang ka botlalo; **maelana** ke kgetho enngwe ya ho bua ka ho bapisa kapa ho bontsha tlhompho; **maelana** ke polelo e koekoetlang nnete kapa ho qoba ho kgentsha ya joetsoang ka ho otloloha. **Maelana** ke puo kapa polelo e kgutsufaditsoeng ebile e nolofatsa maemo a se hlalosoang.

Maelana a tloaelehileng a Sesotho ke ana a latelang: Ho **betoa** ke pelo; Ho **anya** leleme; Ho **beha** pelo sekotlong; Ho thethesa **bohadi**; Ho **beha** matsoho; Ho latola **bosehla**; Ho ipha **dimenyane**; Ho tsoa ka ntshoe di sa **fohloa**; Ho di **hlaba** malotsana; Ho **ineha** naha; Ho **ja** sa mpana phahloha; Ho rolela **kgaebane**; Ho **kgoba** matshoafu; Ho boka **dikgomo**; Ho **hloma** lehlaka; Ho nkg **lefetha**; Ho bona tosa le **madinyane** a yona; Ho tsoha **molota**; Ho otloa ka **mora** tsebe; Ho tlhakisa **thapo**; Ho ba le **pelo** e telele; Ho ba le **pelo** e kgutshoane; Ho ba le **pelo** e ntsho; Ho ba le **pelo** e tshoeu; Ho duba **thankga**; Ho qela ho **leoto**; Jj.

PHAPANG KE ENG PAKENG TSA MAELE LE MAELANA??

(What are the differences between proverbs and idioms?)

1. Ka puo ya Sesotho le moetlo wa teng, 95% ya **maele** a ka qala ka tlhaku efe kapa efe ha **maelana** ona a qala ka lentsoe "HO" 95% ya bongata ba nako. Sena se bolela hore ke **maelana** a 5% feela a sa sebediseng lentsoe "Ho" le **maele** a kabang 5% feela a sebedisang lentsoe "HO".
2. **Maele** ke pokeletso ya mantsoe a etsang polelo e fanang ka molaetsa o eletsang empa moelelo wa ona o sa bolele se ngotsoeng kapa seo ho buuwang ka sona ha **Maelana** e le polelo e kgutshoane (hangata hofeta maele) eo moelelo wa yona o sa lateleng sebopelo puo sa sechaba sefe kapa sefe ebile moelelo wa teng o sa bolele se ngotsoeng kapa se ntshoang molomong.
3. **Maele** ke sehlopha sa mantsoe a eletsang le ho laya ngoana Mosotho kapa motho eo a nahanang hore ke Mosotho ha **maelana** e le polelo e patang se hlalosoang ka botlalo.
4. **Maele** ke polelo e hlalisang botebo ba se boleloang ka ho lotha kapa ho hlalosa ka tsela e tebileng haholo ha **maelana** e le polelo e koekoetlang nnete kapa ho qoba ho kgentsha ya joetsoang ka ho otloloha.
5. **Maele** ke puo kapa polelo e ikgethang ho tse tloaelehileng ebile e fana ka tayo kapa keletso e phethehileng kapa e phethahetseng ha **maelana** e le puo kapa polelo e kgutsufaditsoeng ebile e nolofatsa maemo a se hlalosoang.

MOKGABO-PUO KAPA SEKA-PUO KENG??

(what is figurative speech)

Mokgabo-puo kapa seka-puo ke tshebediso ya mantsoe a kgabisang puo efe kapa efe ka ho kenyeletsoa mantsoe kapa dipolelo tsa mabitso, maetsi, maele, maelana, jj. Hape, mokgabo-puo kapa seka-puo e ka ba polelo ya boiqapelo ebile e reneketsa seo ho buuwang ka sona. La boraro, mokgabo puo ke tshebediso ya polelo ya bosoaso ka puo ka ho kenya mantsoe a dintho tse itseng. La bone, mekgabo puo ke mantsoe le dipolelo tse fumanoang haholo ho dithothokiso tsa puo. La ho qetela, mokgabo puo ke polelo eo hangata e batlileng ho tshoana le maelana le ha bongata ba dipolelo tse joalo di sa ngoloa kapa hatisoa (*not recorded*).

Mekgabo-puo e tloaelehileng ke e latelang: *Ha o **cha** o cheche; ho **koto**; ho **letswai** nameng; ha ho **kwae** komeng; **Modisana** wa kgotso; ena ke **mocha-o-chele**; Kea shoa kea **ikepela**; Ha a di hadikela ho di **ja**; ho **roba** letheka; o motle ba seilatsatsi; ke lekopokopo kea **koposela**; ke metsi a foro kea **lelemela**. Ba boi ba cheche. jj.*

	AAA

ADIMA: Ho *adima* ditsebe: ho kopa ho mameloa. (699).

AHA: Ho *aha* ka tshiba tsa emong: ho sebedisa bohlahe, leano, leqheka kapa kakanyo ya motho emong ho phethahatsa morero wa hao. (1)

AHA: Ho *aha* serobe phiri e se e jele: ho etsa ketso e itseng nako e se e tsamaile ebile ho se ho senyehile. Ho elelloa boemo bo itseng ba bohlokoa ho se ho se na thuso. Ho elelloa kga.(2)

AHLAMELA, AHLAMA: Nonyana kahlamela(*ahlamela*) mmolai: Motho ya sa lemoheng batho batla mo ntsha kotsi ka baka la bothoto boo a nang le bona (3)

ANTSHA: Ha tadi e *antsha*: motshehare o moholo; ha ra mpa ya motshehare. (4)

ANTSHE: Ha e *antshe* ka mokukutoana mma yona a le teng: ho keke hoa hlalosa seo monga taba a ka se hlalosing a le sio; ho keke hoa botsoa motho ya sa tsebeng boemo ba ditaba ntle le ho botsa ya di tsebang ka botlalo. Ho batla dikarabo tse nepahetseng ho ya nang le dikarabo. (5)

ANYA: Ho *anya* leleme: ho nonya maikutlo; ho batla taba ka ho botsa potso e itseng. (6)

	BBB

BA: Ho *ba* le pelo: ho ba le bokgoni ba ho mamella se sa mamelloeng. (675).

BA: Ho *ba* sebetete: ho ba ntle le letsoalo kapa tshabo ya ho etsa se itseng; ho hloka letsoalo ka botlalo. (683).

BA: Ho *ba* le serethe: ho ba le nyatsi; ho ba le moqekoa.(692).

BA: Ho *ba* tsebetutu: ho se utloe ditsebeng. (707).

BABEDI: Metsotso e jele *babedi*/ ha metsotso e ntse e ja *babedi*: nako e ile; nako e tsamaile haholo; nako e se e re sehile haholo. (7)

BAJI: Le pele di na le *baji*: moo o yang teng o tla fumana ba bohlahe hofeta wena. Ho qhekanyetsoa ke babang pele. (8)

BALEHA: Ho checha hoa ramo ha se ho *baleha*: ho ya morao hoa motho ha se ho ja fatshe kapa ho itahla empa ke ho nka matla; ho kgochella morao ke ho nka matla kapa ho itlokisa. (9)

BANA: *Bana* ba kgoale ba bitsana ka molodi: moferefereng le bothateng bobong le bobong bana ba motho ba batlana mme ba thusane. (10)

BEHA: Ho *beha* pelo sekotlolong: ho se potlakele tebello e itseng; ho ba le mamello ya se tshepisoeng le ha se nka nako ho phethahala. (11)

BEHA: Ho *beha* ka mosing: ho ba boemong bo bakang mathata mmoho le ho se tshireletsehe; ho ba maemong a ka bakang kotsi. (12)

BEHA: Ho *beha matsoho*: ho hlohonolofatsa ka ho thetsa ka diatla kapa seatla hodima hlooho. (13)

BELA: Dia *bela dia hloeba, makgulo ho psha a matala*: motho ho tsofala le hoKgathala ya neng a le motle, matla, mafolofolo ebile a tumme haholo mme aqetelle a tsofetse, a le mobe ebile a hloka matla le botle.(13)

BETOA: Ho *betoa ke pelo*: ho kgena kapa ho halefa hofeta tekano. (14)

BETA: *Letshoele le beta poho*: ho sebetsa mmoho ho fana ka matla a ho qeta mosebetsi kapele; kopanelo ya mosebetsi e potlakisa qeto ya ona. (16)

BETA: Ho *beta pelo*: ho ikgothatsa ka mora mahlomola kapa mathata. (670)

BITSANA: *Bana ba kgoale ba bitsana ka molodi*: moferefereng le bothateng bobong le bobong bana ba motho ba batlana mme ba thusane. (17)

BOHADI: Ho *thethesa bohadi*: puisano e mabapi le tumellano ya dikgomo kapa tefo e amanang le nyalo la moroetsana ke mohlankana. (18)

BOHADI: Ho *hlabisa bohadi*: mokete wa lenyalo ka mora hore monyadi a qete tefello (bohadi) ho ba ha bo monyaduwa, oo ho ona ho hlajoang kgomo mme ba bo mosadi le monna mmoho le bamemuwa ba keteke ka ho etsa diketso tse amanang le keteko eo. (19)

BOHALE: *Mma ngoana o tshoara thipa ka bohalleng*: motsoadi e motshehadi wa motho o tshireletsa ngoana wa hae ka tsela tsohle tseo anang le tsona le ha ho le thata joang. (20)

BOHLALE: *Sethoto ke lefa la ba bohlale*: motho ya hlokang bohlale o nkeloa leruo kapa tse ntle tseo a nang le tsona ke ba hlalefileng. (21)

BOHOENG: *Selepe sa bohoeng se ratha se iname*: mokgoenyana o thusa ka tsohle tseo anang le tsona moo a nyetseng teng ho sa tsotellehe boima ba seo a tlamehang ho se etsa.(22)

BOHOENG: *Le sele ebile le sele le bohoeng ba ntja*: ha ho ponahalo ya maru hohle lehodimong kapa sepakapakeng. (23)

BOI: *Masene ha se boi*: bohlale ha se bokoala. (710).

BOIPABATSO: *Boipabatso ha bo tsoele molemo*: ho ithorisa ha ho thuse letho.(24)

BOKA: Ho *boka dikgomo*: ho dumedisa. (25)

BOKA: Ho *boka ha di oroha*: ho lebella sephetho sa se etsahalang kapa se buuwang honajoale, hamorao. (26)

BOLADU: Ho *phunya seso se tsoe boladu*: ho bua taba ntle le ho potoloha kapa ho tsilatsila. (27)

BOLAYA: *Mpa tshehla ha e bolaye*: ha feela motho a jele a kgotshe, tse ding ha di hlokahale. (28)

BOROKO: *Ha hona kgomo ya boroko*: ha ho motho ya dumelletsoeng ho ja feela ntle le ho sebetsa; o keke o fuwa feela ntle le ho sebetsa. (29)

BOROKO: *ho ba Kgomo ya boroko*: motho ya botsoa haholo. Sekgoba. (30)

BOSEHLA: Ho *latola bosehla*: ho hana ka botlalo; ho hana nyenyenye. (31)

BOTSOA: *Botsoa ha bo jeloe*: ho tsoafa ho sebetsa kapa ho tshoara ka thata ha ho lefe letho.(32)

BOYA: *Moloi ha a mele boya*: motho e mobe wa boitshoaro bo kgohlahetseng ha a bonoe ka matshoao a ikgethang.(33)

BUA: Ho *bua ha se ho phetha*: ya tsebang ho bua ha se ya kgonang ho phethahatsa seo a se bolelang. Kgeleke ha se mophethi wa seo a se bolelang.(34)

BUA: Ho *bua ka pelo*: ho nahana ka thata; ho solla hoa menahano.(35)

BUELA: *Ho buela nonyana mollong:* ho senya ditaba kapa ho ntsha sephiri pele ho nako.(38).

BULA: *Ho bula ditsebe:* ho mamela hantle ka ho batla ho utloisisa. (696).

BUSA: *Ho busa pelo:* ho kgutlisa thabo ka mora ho kgena ho hoholo. (671)

BUSA: *Ho busa sefahleho:* ho bontsha ho halefa ka ho sosobanya tshobotsi ya sefahleho; ho kgena haholo. (687).

BUSELETSANA: *Kgalapa di a buseletsana:* Motho ya kileng a etsoa hantle ke emong le yena o etsa joalo. Ho etsetsana botle; boemo ba batho ba etsetsanang tse ntle ka ho kgutlisetsana botle mmoho.(36)

BUSETSA: *Ho busetsa molamu sefateng:* ho iphetetsa kapa ho etsa se entsoeng ho wena ho moetsi.(37)

CCC.

CHA: *Ha o cha o cheche:* ebang ha o wa kgotsofala o tlameha ho tloha sebakeng; ebang o wa belaela o tlameha ho sutha, o suthela ba dumellanang le se buuwang.(39)

CHECHA: *Ho checha hoa ramo ha se ho baleha:* ho ya morao hoa motho ha se ho baleha empa ke ho nka matla; ho kgochella morao ke ho nka matla kapa ho itlokisa bakeng sa ho hlasela.(40)

CHESA: *Bo tsholoa bo chesa, bo tsohe bo fodile:* maikutlo a khalefo a kokobela ha nako e ntse e tsamaya. **Mael.** *Ho ba phateng tse chesang:* ho kula haholo ka tsela eo mokudi a hlolehang ho tsoha moalong, moo a robetseng teng.(41)

DDD

DIELA: *Mahlo ke diala ha a je sa motho:* mahlo a sheba feela ntle le hore ntho e ntle kapa e mpe; mahlo a sheba le seo ho sa dumeleheng hore a se shebe.(42)

DIELA: *Ho diela dikgala:* ho qetella taba; ho akaretsa se boleloang; ho hlalosa ka ho phethela puo.(43)

DIHA: *Ho diha ditsebe:* ho bontsha bothoto bo boholo.(698).

DIMENYANE: *Ho ipha dimenyane:* ho baleha ka ho nyamela.(44)

DITABA: *Ho kena ditaba ka sehlotho:* ho ba ditabeng tse sa o ameng ebile o sa mengoa.(45)

DITHEOHELANG: *Tse sa jeseng ditheohelang:* ditaba kapa diketsahalo tse mpe ebile di sa utloise monate.(46)

DUBA: Ho *duba* thankga: ho kopakopanya maemo a dintho ka lebaka la pherekano.(47)

DUBISA: Ho *dubisa* thankga. **Mael.** Ho *dubisa* thankga: ho kopakopanya maikutlo a emong ka ho ferekanya kelello.(48).

DULA: Ho *dula* sebeteng: ho tena ha bohloko. (680).

DUMELLA: Ho *dumella* pelo: ho etsa ntho e sa lokang. (667).

EEE

EDISA: Ho *edisa* sefahleho: ho bontsha lethabo ka ho kganya hoa tshobotsi; ho bontsha nyakallo ka ho phuthulla sefahleho. (685).

EMA: Ho *ema* le monna wa *mateneng*: hoba mathateng a maholo; ho tsieleha; ho se kgone ho rarolla mathata; ho thatafalloa.(49)

EMA: Ho *ema* ka *ditshetshekoane*: ho ba le mmele o motle, o otlohileng, o molelele hantle.(50)

EMONG: Ho *aha* ka *tshiba tsa emong*: ho sebedisa bohlahe, leano, leqheka kapa kakanyo ya motho emong ho phethahatsa morero wa hao.(51)

FFF

FAHA, FAHOA: *Pitsa ho fahoa e belang*: motho ya diehang ho nyala kgarebe o tla rakoa mme mohlankana emong a mo nyale pele. Mosetsana ya tsilatsilang a ka rakoa ke babang mme ba qetelle ba nkile mohlankana wa hae.(53)

FAHLA: Ho *fahla* mmuso ka *lehlabathe*: ho kgentsha; ho koatisa; ho utloisa bohloko bo boholo; ho sithabetsa pelo; ho hlabehisa; ho kgopisa; ho hlokoafatsa maikutlo.(52).

FAHLA, FAHLOA: le *fahloa* le *shebile*: motho a ka etsa phoso a bona kapa a shebile empa a sa e etse ka boomo. (712).

FALLA: Ho *kopana le pela di falla*: ho tobana le se sa lebelloang haholo se sebe; ho ba maemong a ho hlaseloa ntle le tebello kapa boikemisetso; ho bontshoa se sa lebelloang.(54)

FANYA: *Mmesa mohloane ha a fanye*: motho ya lebeleletseng ketso e itseng ya bohlokoa eo a sa tlamehang ho etsa phoso, hohang.(55)

FATA, FATELA: Ho *fatela morao joalo ka kgoho*: ho sebetsa ntle le tema. Ho etsa ntho e hlohang thuso.(56)

FATELA: *Ha ho tsuonyana phatela (fatela) nngwe*: bophelong motho kamong o tlameha ho ipatlela tse hlokalang bophelong ntle le ho tshepa babang.(57)

FELA: *Ha se mara ha se ho fela:* ha se ho fela kapa qetello ya ketsahalo kapa ketso e itseng.(58)

FELA: *Ho fela pelo:* ho halefa haholo; ho kgena kapelenyana. (665)

FELA, FELENG: *Se sa feleng se a hlola:* ha ho ketsahalo, boemo kapa ntho e hlokang pheletso.(59)

FEROLA: *Ho ferola dibete:* ho beha maikutlong a mabe a bakang boikutlo kapa maikutlo a mabe a mmele kapa kelello.(60)

FOLA, FODILE: Bo tsholoa bo chesa, bo tsohe bo **fodile:** maikutlo a khalefo a kokobela ha nako e ntse e tsamaya.(61)

FOLA, FODISA: *Meno masweu maloma a fodisa:* motho ya tshehang empa a le kotsi kgahlanong le eo a tshehang le yena; lehlabaphio.(62)

FOHLA, FOHLOA: *Ho tsoa ka ntshoe di sa fohloa:* ho tloha sebakeng ka tsela e hlokang monate; ho tsamaya ho se monate.(63)

FOLOFELA: *Tlhapi folofela leraba hobane metsi a pshela o a bona:* tlohela ho tletleba hobane baheno ba hlahetsoe ke kotsi kapa ba shoele o ba bona.(64)

FORA: *Ho fora ditsebe:* ho baleha ka letsoalo le leholo. (700).

FULA: *Mosha ha o fula oa qamaka:* motho o tlameha ho elahloko ha a etsa eng kapa eng.(65)

HHH

HADIKELA, HADIKA: *Ha a di hadikela ho di ja:* o etsa ntho tse sa tloaelehang kapa tsa motho ya sa phelang hantle.(66)

HAE: *Monyala-ka-pedi o nyala wa hae:* motho le ha e le mofutsana joang, o ntsha bonyane boo a nang le bona ho nyala eo a mo ratang.(67)

HAELA: *Nonyana e haela ka ditshiba tsa enngwe:* motho o hloka thuso ya babang ho atleha kapa ho phethahatsa seo a batlang ho se etsa.(68)

HAELOA: *Lentsoe la morena le haeloa lesaka:* seo morena kapa motho e moholo a se buang se tlameha ho ananeloa le ho hlonchoa.(69)

HAELOA: *Lentsoe la morena le haeloa lesaka:* seo morena kapa motho e moholo a se buang se tlameha ho ananeloa le ho hlonchoa.(70)

HALALOE, HALALA: *Mpho ha e halaloe:* se fanoang ntle le tefiso se amoheloa le ha se le senyane kapa se sa kgahle hakaalo.(71)

HANONG, LEHANO: *Ho kolla ntshi hanong:* ho sotleha kapa ho fumaneha haholo.(72)

HAPA: *Ho hapa pelo:* ho kgahla kapa kgahloa ke motho emong. (669)

HATA: *Ho hata motho direthe:* ho potlakisa emong; ho etsa hore motho a phakise ho etsa ketso e itseng. (691).

HATA: *Ho hata koekoe:* ho tsamaya butle ka ho ikonka le ho sasanka. (134).

HATA: *Ho hata kosene:* ho tsamaya kapa ho tloha sebakeng.(73)

HATISOA, HATA: *Ho hatisoa kosene:* ho lelekoa kapa ho ntshoa mokgatlong kapa tsebeletsong; ho tebeloa.(74)

HLABA: *Ho di hlaba malotsana:* ho elellisoa; ho hlokomedisa; ho eletsa; ho hlaha leseding; ho fa maele kapa maelana; ho bontsha kapa ho hlaloesetsa ka botlalo.(75)

HLABISA, HLABA: *Ho hlabisa bohadi:* mokete wa lenyalo ka mora hore monyadi a qete tefello (bohadi) ho ba ha bo monyaduwa, oo ho ona ho hlajoang kgomo mme ba bo mosadi le monna mmoho le bamemuwa ba keteke ka ho etsa diketso tse amanang le keteko eo.(76)

HLATHE: *Hlathe e lelekisa tsebe:* ponahalo ya ho thaba kapa ho bontsha ho kgotsofala ha ho etsahala ketso e itseng.(77).

HLATSOA: *Ho hlatsoa motho qati:* ho thabisa haholo; ho nyakallisa; ho thabisa.(679).

HLOAYA, HLWAYA: *Ho hloaya tsebe:* ho mamedisa ka thata. (695).

HLOEBA: *Dia bela dia hloeba, makgulo ho psha a matala, koma re sala re di otlaka hlooho:* motho ho tsofala le ho kgathala ya neng a le motle, matla, a tseba ho bina, e le kgeleke, a le mafolofolo ebile a tumme haholo mme a qetelle a tsofetse, a le mobe ebile a hloka matla le botle joalo ka pele.(78)

HLOELE, HLOA: *Mathata a hloele manolo hodimo:* ho boima hofeta kamoo ho neng ho lebeletsoe kateng. Ha ho bonolo ho ya ka tsela eo eneng e nahannoe.(79)

HLOHLONTSHA: *Ho hlohlontsha tsebe:* ho etsa diphoso puong; ho bua puo tse sa lokang; ho bua puo tse nang le ditlhapa. (704).

HLOKA: *Ho hloka sefuba:* ho hloka sephiri; ho hloleha ho pata lekunutu.(688).

HLOKA: *Ho hloka tsebe:* ho se mamele; ho se utloe hoa ngoana ka ho bontsha ho seba. (706)

HLOLA: *Se sa feleng se a hlola:* ha ho ketsahalo, boemo kapa ntho e hlokanang pheletso.(80)

HLOOHO: *Motsoalle wa hlooho ya kgomo:* motho eo emong anang le kamano e ntle haholo ya bokgotsi.(81)

HLOOHO: *Ho ja masapo a hlooho:* ho nahanisa se boletsoeng. Ho nahana haholo ka boemo bo itseng. Ho nahana ka ho batla tharolloa ya bothata bo itseng.(82)

HLOOHO: *Dia bela dia hloeba, makgulo ho psha a matala, koma re sala re di otlaka hlooho:* motho ho tsofala le ho kgathala ya neng a le motle, matla, a tseba ho bina, e le kgeleke, a le mafolofolo ebile a tumme haholo mme a qetelle a tsofetse, a le mobe ebile a hloka matla le botle joalo ka pele.(83)

HLOOHO: *Ho ngamola hlooho:* ho tshoenya haholo. (577)

HLOOHO: *Ho duma hlooho:* ho tsieleha kapa ho se tsebe se tlamehang ho etsoa; hothibana ditsebe. (578).

HLOOHO: *Ho dumisa hlooho:* ho kgathatsha maikutlo. (579).

HLOOHO: *Ho hlaba fatshe ka hlooho:* ho wela kapa ho wa. (580).

HLOOHO: *Ho thulanya batho ka dihlooho:* ho qabanya; ho jala moferefere. (581).

HLOLO: *Ho tshoara hlolo ka boya: ??(84)*

HLOMA: *Ho hloma lehlaka:* ho etsa sesupo sa hore ntlong e itseng ho na le ngoana ya sa tsoa tsoala le motsoetse; letshwao le bonthsang boteng ba lekgabunyane le sa tsoa hlaha.(85)

HODIMO: *Ho ya le kgongoana hodimo:* ho itebala kapa ho lebala ka se kotsi se ka etsahalang.(86).

HULA: *Ho hula sefahleho:* ho halefa haholo ka ho sotha tshobotsi. (684).

IKAHLOLA, AHLOLA: *Letsoalo le molato lea ikahlola:* Motho ya molato o wa iponahatsa ka diketso.(87)

IKEBOLLA, KEBOLELA: *Ho ja monakaladi wa kebolela:* ho ja ha monate le ho phela ha monate ka boiketlo.(88)

IKENYA: *Ho ikenya tshotso dinaleng:* ho ikenya hara mathata; ho ipakela bothata kapa mahlomola.(89)

IKEPELA, EPELA: *Kea shoa kea ikepela:* ke o rata haholo feela.(90)

INAME, INAMA: *Selepe sa bohoeng se ratha se iname:* mokgoenyana o thusa ka tsohle tseo anang le tsona moo a nyetseng teng ho sa tsotellehe boima ba seo a tlamehang ho se etsa.(91)

INEHA, NEHA: *Ho ineha naha:* ho baleha. Ho ja fatshe; ho itahla.(92)

INELA: *Ho inela matsoho metsing:* ho leballa diphoso kapa mefokolo. Ho tshoarella.(93)

INOESA, NOESA: *Ho inoesa ka nkgo:* ho ipatlela bonnete ba taba e boleloang kapa e etsahetseng ntle le ho joetsoa.(94)

INONG, LEINO: *Ho ntshana se inong:* ho thusana ka tsela efe kapa efe; ho arolelana ditaba tsa bohlokoa.(95)

IPHA, FA: *Ho ipha naha:* ho baleha sebakeng; ho tloha ka ho nyamela.(96)

IPHA, FILE, IPHILE: *Ho ipha dimenyane:* ho baleha ka ho nyamela.(97)

IPONA: *Ho ipona mafolomabe:* ho itshoaya diphoso; ho ipona molato.(98)

IPONE, BONA: *Tshoene ha e ipone lekopo:* motho ha a bone diketso tsa hae tse mpe, empa o bona tsa babang.(99)

ISA: *Ho isa pelo mafisa:* ho hlora haholo moyeng; ho hloka monate. (666).

ISA: *Ho isa tsebe:* ho lebisa tsebe nqa ya puo kapa modumo o etsoang bakeng sa ho utloa hantle. (697).

ITAHLA, LAHLA: *Ho itahlela ka setotsoana:* ho kena ditaba o sa mengoa; ho ba ditabeng ntle le ho bitsoa; ho ba teng ntle le ho laeloa.(100)

ITEKANG, ITEKA: *Moketa ho tsosoa o itekang:* motho ho thusoa ya etsang bonyane bo itseng. Motho ho thusoa ya itekang kapa ya etsang lethonyana.(101).

ITHIBA: *Ho ithiba ditsebe:* ho se mamele hohang. (703).

JA, MOJA, MOJI: *Moja morao o tshoana le moja pele:* motho ya jeleng morao o tla kgora joalo ka ya jeleng pejana. Se setle se etsahetseng ho emong pejana se tla etsahala ho emong hamorao.(102)

JA: *Ho ja tloae:* ho ba lekgoba la ketso tse itseng.(103)

JA, JELE: *Ho ja sa mpana phahloha:* ho ja hofeta tekanyo. Ho ja haholo.(104)

JA, JELE: *Ho ja monakaladi wa kebolela:* ho dula le ho phomola ha monate ntle le mosebetsi o boima. Ho roba monakedi.(105)

JA, JELE: *Ha a di hadikela ho di ja:* o etsa ntho tse sa tloaelehang kapa tsa mahlanya.(106)

JA, JELE: *Motsamai o ja noha:* motho ya leetong ya lapileng o ja eng kapa eng eo a e fuwang kapa eo a kopanang le yona. Ya lapileng o ja tsohle.(107)

JANA: *Tsie di jana seropong:* ntoa kapa diqhobeshano e ka ba tsa lelapa kapa batho ba dulang mmoho. (711).

JELE, JA: *Naha e jele boya:* kotsi di hohle naheng; botlokotsebe bo tletse kapa bo atile naha yohle.(108)

JELE, JA: *Metsotso e jele babedi:* nako e ile; nako e tsamaile haholo; nako e se e re sihile haholo.(109)

JELE, JA: *Ho aha serobe phiri e se e jele:* ho etsa ketso e itseng nako e se e tsamaile ebile ho se ho senyehile. Ho elelloa boemo bo itseng ba bohlokoa ho se ho se na thuso. Ho elelloa kgale.(110)

JEWA, JEOA: *Marabe o jewa ke bana:* ebang ho na le dijo tse nyane tse setseng lapeng, batsoadi ba tla di tella bana ba bona ho di arolelana.(111)

JOETSA, JWETSA: *Ho joetsa sefahlamahlo:* ho bolella motho taba ka ho mo toba ntle le tshabo. (112)

KKK

KABELOA, ABELOA: *Ngoana moshanyana ke kabeloa manong:* motho e motona o lokeloa ke ho fuwa mathata ohle le ha ho sa kgonahale.(113)

KADIMA: *Ho kadima tsebe:* ho mamela.(114)

KAKATLETSANG, KAKATLE TSA: *Kgoho e kakatletsang lehe ke la yona:* motho o bontsha seo a se entseng ka dipuo.(115)

KATLEHO: *Mamello e tsoala katleho:* ho tiisetisa mathateng ho a putsa; katleho e fumanoa ke ba nang le tiisetso bophelong.(116)

KEBOLELA, EBOLELA: *Ho ja monakaladi wa kebolela:* ho dula le ho phomola ha monate ntle le mosebetsi o boima. Ho roba monakedi.(117)

KENA, KENE: *Ho kena motsoetseng:* ho ba sebakeng se sa dumelloan(118)

KGAEBANE, KHAEBANE: *Ho rolela kgaebane:* ho bontsha tlhomphe ho motho ya entseng ntho e ntle haholo. Ho rolela motho katiba bakeng sa ketso e ntle eo a e entseng; ho fana ka tlotla bakeng sa tlhoho. Seo motho a se fumanang bakeng sa ho hlompjoa le boemo ba hae ba tlhoho. (119)

KGALA, KHALA: *Kgala e bidietsa ntsele:* Bahlabani ba loana ka matla ho tshireletsa morena wa bona; kapa motho o tshireletsa seng sa habo.(120)

KGALA, KHALA: *Ho diela dikgala:* ho qetella taba; ho akaretsa se boleloang; ho hlalosa ka ho phethela puo.(121)

KGALAPA, KHALAPA: *Kgalapa di a buseletsana:* batho ba etsetsanang tse ntle ba kgutlisetsana botle mmoho.(122)

KGALE, KHALE: *Metsi a macha a ntsha a kgale:* bokgoni ba mohlankana kapa morati ya kgonang ho nkela emong moratuwa kapa kgarebe ya hae ka tsa marato.(123)

KGANG, KHANG: *Kgang ya monna e kgaoloa ke letlaka: ??(124)*

KGAOHA, KHAOHA: *Ho (tla) kgaoha moo ho kgoehlang:* ho tla senyeha ho be thata haholo; ho tla ba boima ka lebaka la se tla etsahala.(125)

KGATHALA, KHATHALA: *Ho kgathala matla:* ho ba boemong ba ho nyahama pelo ka lebaka la ketso e sa lebelloang kapa e sa thabiseng.(126)

KGEMA, KHEMA: *Nonyana tsa siba leleleng di kgema mmoho:* batho ba mofuta le moetlo olemong ba tsamaya mmoho le ho etsa ditloaelo tse tsoanang.(127)

KHITLA, KHITLA: *Ho kgitla lejoe:* ho ba boemong ba ho hloka mohlodi; ho ba boemong ba ho se dumellane ka dipuo; ho se tsoelepele ka lebaka la ho hloka tumellano.(128)


KGOALE, KHOALE: *Bana ba kgoale ba bitsana ka molodi:* moferefereng le bothateng bobong le bobong bana ba motho ba batlana mme ba thusane.(129)

KGOBA, KHOBA: *Ho kgoba matshoafu:* ho kgutlisa maikutlo; ho itshoara ka mora ho batla ho halefa.(130)

KGOBE, KHOBE: *Ho hlaba kgobe ka lemao:* ho iketla kapa ho ja ha monate. Ho qhanolla ha monate.(131)

KGOEHLA, KHOEHLA: *Ho (tla) kgaoha moo ho kgoehlang:* ho tla senyeha ho be thata haholo; ho tla ba boima ka lebaka la se tla etsahala.(132)

KGOHO, KHOHO: *Ho fatela morao joalo ka kgoho:* ho sebetsa ntle le tema. Ho etsa ntho e hlokang thuso.(133)



KGHOHO

KGOMO, KHOMO: *Ho opa kgomo lenaka:* ho bua se nepahetseng kapa se utloahalang.(135)

KGOMO, KHOMO: *Kgomo ya lebese ha e itsoale:* hangata ngoana ha a futse motsoadi.(136)

KGOMO, KHOMO: *Kgomo e tshoaroa ka dinaka, motho ka dipuo:* motho o tshoaroa ka dipuo tsa hae ho seo a se entseng. (137)

KGOMO, KHOMO: *Kgomo ha enye bolokoe kaofela:* motho ha a tlameha ho bua makunutu le ditaba tsohle tsa hae.(138)

KGOMO, KHOMO: *Kgomo ha e fuleloe:* ha ho ditshenyehelo ho ruwa kgomo.(139)

KGOMO, KHOMO: *Kgomo ha di na motloha pele:* katleho ha e bakoe ke ho ba wa pele.(140)

KGOMO, KHOMO: *Ha le fete kgomo le je motho:* kgomo e ka teloa ya nehelo bakeng sa ho lopolla motho.(141)

KGOMO, KHOMO: *Lepotlapotla le ja podi, lesisitheho le ja kgomo:* ho se potlakele dintho ho tlisa katleho.(142)

KGOMO, KHOMO: *Motsoalle wa hlooho ya kgomo:* motho eo emong anang le kamano e ntle haholo ya bokgotsi le emong.(143)

KGOMO, KHOMO: *Lebitla la kgomo ke molomo:* kgomo ha e shoele ha e patoe lebitleng empa e ya jewa.(144)

KGOMO, KHOMO: *Ha ho kgomo ya boroko:* ha ho motho ya dumelletsoeng ho ja feela ntle le ho sebetsa; o keke o fuwa feela ntle le ho sebetsa.(145)

KGOMO, KHOMO: *Kgomo ya boroko:* motho ya botsoa haholo. Sekgoba.(146)

KGOMO, KHOMO: *Ho boka dikgomo:* ho dumedisa.(147)

KGOMO, KHOMO: *Kgomo di boela sakeng/ kgomo di boetse sakeng:* Ho nyala motho wa lelapa kapa seboko se tshoanang le sa ya nyalang.(148)



KGONGOANA, KHONGOANA: *Ho ya le kgongoana hodimo:* ho itebala kapa ho lebala kotsi e kannang ya etsahala ka ho se natse kapa ho lebala.(149)

KGOPI, KHOPI: *Kgopi e raho ke monono:* motho ya hlohang teboho kapa ya nyedisang mothusi wa hae.(150)

KGOPA, KGOPJOA: *E kgopjoa e le maoto mane:* mang le mang a ka etsa phoso ho sa natsoe boemo ba hae ba borui, bofutsana, bohoho, bonyane kapa bohlale ba hae.(151)

KGORO, KHORO: *Ho ya ka makgoro ha se ho lahlana:* ho arohana ha ho bolele hore batho ba keke ba hlola ba kopana hape.(152)

KGOTLA, KHOTLA: *Moro kgotla ha o okoloe:* boemo ba ho beha ditaba pepeneneng ntle le ho patoa.(153)

KGOTLA, KHOTLA: *Mowa kgotla ha a tsekisoe: ??*(154)

KGOTSO, KHOTSO: *Ho phaphatha kgotso:* ho etsa hore maemo a be setloaeding mme ho se be le ntoa kapa dikgohlang. Ho bopa kutloano.(155)

KGUBEDU, MAKGUBEDU: *Ho sheba ka mahlo a makgubedu:* ho tadima ka ho labalabela kapa ho batla ka hohle hohle. Ho lebisa mahlo ho ntho ka ho bontsha kgahleho e kgolo haholo. (708)

KGUMAMA, KGUMAMELA: *Ho loana ntoa ya kgumamela:* ho loana ntoa e kgolo ka bokgabane.(156)

KGUTSHOANE, KHUTSOANE: *Ho ba le pelo e kgutshoane:* ho kgena ha bobebe; ho koata ka pelenyana; ho utloa bohloko ka pelenyana; ho hlabehisoa ke ntho e nyane kapa masawana. (157)

KOBO, KOBONG: *Ke nta ya selomela kobong:* lehlabaphio kapa sera; motho ya iketsang eka o rata emong empa ho se joalo.(158)

KOEKOE, KWEKWE: *Koekoe ya morao e tloha le sepolo:* motho ya etsang dintho ka lenama o fumana mathata kapa ha a fumane letho.(159)

KOLLA: *Ho kolla ntshi hanong:* ho sotleha kapa ho fumaneha haholo.(160)

KOPANA: *Ho kopana le pela di falla:* ho tobana le se sa lebelloang haholo se sebe; ho ba maemong a ho hlaseloa ntle le tebello kapa boikemisetso; ho bontshoa se sa lebelloang.(161)

KOPANO: *Kopano ke matla:* bommoho bo eketsa sefutho sa se etsoang kapa se reriloeng; tumellano ya bongata ba batho e phethahatsa tabatabelo ya bona.(162)

KOSENE: *Ho hata kosene:* ho tsamaya kapa ho tloha sebakeng.(163)

KOSENE: *Ho hatisoa kosene:* ho lelekoa kapa ho ntshoa mokgatlong kapa tsebeletsong; ho tebeloa.(164)

KOTO: *Ho koto:* ho hotle ebile ha ho na mathata.(165)

KWAE, KOAE: *Mofuta ha o nkgoe ka nko e se qoba la kwae:* mohlankana kapa moroetsana o ithuta molekane le ba habo ba se ba dula mmoho.(166)

LLL

LALA, LETSE: *Ho lala taba ka mmele:* ho etsa eka ha ho letho; ho iphapanya.(167)

LALA, LALE: *Ha e lale makoala re none:* ha ho be le kgotso bakeng sa rona bohle ba ratang toka le kgutso.(168)

LAOLA, LAOTSE, LAOTSOE: *Malala a laotsoe:* ho ba boemong ba ho itukisetsa ketso kapa ketsahalo efe kapa efe.(169)

LATOLA: *Ho latola bosehla:* ho hana ka botlalo; ho hana nyenyenye.(170)

LEBISA, LEBA: *Mmetlakgola o lebisa ho wa habo:* motho ya kgonneng ho atleha kapa ho phomella ho fihlela maemo a matle o joetsa ba habo hore le bona ba tsebe ho a fihlella.(171)

LEBITLA: *Lebitla la kgomo ke molomo:* kgomo ha e shoele ha e epeloe lebitleng, empa e a jewa.(172)

LEBITSO: *Lebitso 'lebe ke seromo:* lebitso le fuwang motho le na le ho hlalosa boemo bo bobele kapa bo botle ba hae.(173)

LEDINYANE: *Ho bona tosa le madinyane a yona:* ho makatsa motho ka ho etsa diketso, haholo tsa ntoa, tse sa lebelloang.(174)



LEDINYANE

LEFA, LEFILE: *Sethoto ke lefa la ba bohlale:* motho ya hlokang bohlale o nkeloa leruo kapa tse ntle tseo a nang le tsona ke ba hlalefileng.(175)

LEFOTHA: *Ho nkgae lefotla:* ho ba mmelaelloa. (176)

LEFU: *Moputso wa sebe ke lefu:* tlolo ya molao e baka timelo kapa ho shoa.(177)

LEFU: *Lefu leholo ke ditsheho:* Se bohloko haholo se sa tlamehang ho tshehoa se na le ho tshehisa. *Lefu leholo ke ditsheho:* se bohloko se na le ho tshehisa; bohloko ba motho emong bo na le ho tshehisa babang kapa emong.(178)

LEFU: *Lefu le qoleng ya kobo:* motho a ka shoa neng kapa neng ho sa lebelloa.(179)

LEHOLO: *Lefu leholo ke ditsheho:* Se bohloko haholo se sa tlamehang ho tshehoa se na le ho tshehisa.(180)

LEFURA: *Ho hata mafura:* ho etsa koloi e tsamaye ka ho potlaka.(181)

LEHAFI: *Ho nkgisetsana mahafi:* ho loantshana.(182)

LEHLAAHLELA: *Lehlaahlela le lla ka lelang:* batho ba tlemeha ho thusana.(183)

LEHLABAPHIO: *Lehlabaphio o ila mojalefa:* Motho ya mona o hononela ba bang, ba nang le tsa bona.(184)

LEHLABATHE: *Ho fahla mmuso ka lehlabathe:* ho kgentsha; ho koatisa; ho utloisa bohloko bo boholo; ho sithabetsa pelo; ho hlabehisa; ho kgopisa; ho hlokofatsa maikutlo.(185)

LEHLAKA: *Ho hloma lehlaka:* ho etsa sesupo sa hore ntlong e itseng ho na le ngoana ya sa tsoa tsoala le motsoetse; letshwao le bonthsang boteng ba lekgabunyane le sa tsoa hlaha.(186)

LEHLOHONOLO: *Lehlohonolo ha le tlolloe mafura:* ho ba lehlohonolo ha ho tlamehe ho sebedisa moriana kapa ntho e itseng, empa le itlela ntle le ho lebaka.(187)

LEHLOHONOLO: *Ka lehlohonolo la motea phala:* ka ho etsahala ntle le bothata, ka tsela e bonolo.(188)

LEHLOHONOLO: *Lehlohonolo ha le na motloha pele:* hore o fumane lehlohonolo, ha o wa tlameha ho fihla pele kapa ho etsa dintho pele.(189)

LEHLOKOANA: *Ho utloa ka lehlokoana la tsela:* ho joetsoa ditaba tse itseng tsa lekunutu pele di phatlalatsa kapa pele di tsejoa.(190)

LEIHLO: *Ka ho panya hoa leihlo:* hanghang ka potlako; kapelenyana haholo.(191)

LEIHLO: *Mahlo ke diala ha a je sa motho:* mahlo a sheba feela ntle le hore ntho e ntle kapa e mpe; mahlo a sheba le seo ho sa dumeleheng hore a se shebe.(192)

LEIHLO: *Taba di mahlong:* se ka pelong mmoho le se nahannoeng ke motho se iponahatsa sefahlehong kapa chebehong ya motho.(193)

LEIHLO: *Ho ntsha mahlo nameng:* ho ba malala a laotsoe; ho ba boemong ba ho itebela kgahlanong le kotsi e ka hlahang.(194)

LEIHLO: *Ho re mahlo tloha/ha ke re mahlo tloha:* ha ke hlokomela hamorao kapa ho elelloa ketso e itseng hamorao kotsi e se e etsahetse.(195)

LEIHLO: *Mahlo a tshela noka e tletse:* mahlo a bona moo monga ona a kekeng a fihla teng; mahlo a bona le moo holeng kotsi le ha monga ona a keke a atamela moo.(196)

LEIHLO: *Ho sheba ka leihlo le nchocho; ho ba leihlo le nchocho:* ho ba hlokolosi ka se etsahalang ka sepheo sa ho thibela phoso kapa bobbe bo ka etsahalang. Ho ba malala a laotsoe; ho ikatela.(197)

LEIHLO: *Ho kgohlala mahlo:* ho kula haholo. (582).

LEIHLO: *Ho hadikisa mahlo:* ho ba le ponahalo ya letsoalo. (583).

LEIHLO: *Ho buleha mahlo:* ho hlalefa ka mora ho jalletsoa. (584).

LEIHLO: *Ho lahlela mahlo:* ho sheba nqa ya ntho eo ho buuwang ka yona. (585).

LEIHLO: *Ho isa mahlo:* ho etela sebaka ka mora bosio bo bolelele. (586).

LEIHLO: *Ho lla mahlo:* ho hloka seo eleng sa hao; ho se be le letho. (587).

LEIHLO: *Ho kwala mahlo:* ho robala kapa ho itokisetsa ho kgaleha. (588).

LEINO: *Ho lomahanya meno:* ho tsitlallela ntho e itseng, laotsoe; ho ikatela.(198)

LEINO: *Meno masweu maloma a fodisa:* motho ya tshehang empa a le kotsi kgahlanong le eo a tshehang le yena; lehlabaphio.(199)

LEJOE: *Ho kgitla lejoe:* ho ba boemong ba ho hloka mohlodi; ho ba boemong ba ho se dumellane ka dipuo; ho se tsoelepele ka lebaka la ho hloka tumellano.(200)

LEKANYANE: *Lekanyane ho phela le diretsana (diretse):* ba atlehang bophelong ke ba sa tshabeng phephetso tse thata; ba atlehang bophelong ke ba sa qobeng mathata kapa ba sebete.(201)



LEKANYANE

LEKEKE: *Ngoana lekgala o tsamaya ka lekeke:* diketso tsa motho di bontsha ho futsa ntatae kapa mmae; se etsoang ke ngoana ke bopaki ba lefutso la motsoadi.(202)

LEKGALA, LEKHALA: *Ngoana lekgala o tsamaya ka lekeke:* diketso tsa motho di bontsha ho futsa ntatae kapa mmae; se etsoang ke ngoana ke bopaki ba lefutso la motsoadi.(203)

LEKGULO, LEKHULO: *Dia bela dia hloeba, makgulo ho psha a matala, koma re sala re di otlala ka hlooho:* motho ho tsofala le ho kgathala ya neng a le motle, matla, a tseba ho bina, e le kgeleke, a le mafolofolo ebile a tumme haholo mme a qetelle a tsofetse, a le mobe ebile a hloka matla le botle joalo ka pele.(204)

LEKOALA: *Ha e lale makoala re none:* ha ho be le kgotso bakeng sa rona bohle ba ratang toka le kgutso; ha kgotso e ate bakeng sa rona bohle.(205)

LEKOALA: *Habo lekoala ha ho lliwe (lloe):* ho ba le mahlale a ho phema kotsi kapa boemo bo ka bang kotsi ntle le ntoa kapa ho hlasela. (206)

LEKOKO: *Ho suwa lekoko la puleng:* ho etsa ntho kapa ketso e hlokang mosola kapa e kekeng ya thusa ka letho.(207)

LEKOPO: *Tshoene ha e ipone lekopo:* motho ha a bone diketso tsa hae tse mpe, empa o bona tsa babang.(208)

LELEKISA: *Hlathe e lelekisa tsebe:* ponahalo ya ho thaba kapa ho bontsha ho kgotsofala ha ho etsahala ketso e itseng.(209)

LELEME: *Motho ya leleme:* motho ya leshano haholo.(210)

LELEME: *Ho ba leleme:* motho ya buang ka batho babang bosiong ba bona. Ho ba leshano.(211)

LELEME: *Ho ba mathe le leleme:* ho ba le setsoalle se seholo le. Ho utloana haholo le.(212)

LELEME: *Ho anya leleme:* ho nonya maikutlo; ho batla taba ka ho botsa potso e itseng.(213)

LELENG: *Lehlaahlela le lla ka leleleng:* batho ba tlemeha ho thusana ho phethahatsa morero o itseng.(214)

LEMAO: *Lemao le ntlha pedi:* motho ya qabanyang babang kapa metsoalle ka ho bua dipuo tse fapaneng bathong bao. Moqabanyi.(215)

LEMAO: *Ho hlaba kgobe ka lemao:* ho iketla kapa ho ja ha monate.(216)

LENALA: *Ho ikenya tshotso dinaleng:* ho ikenya hara mathata; ho ipakela bothata kapa mahlomola.(217)

LENG: *Marematlou a ntsoe leng:* ba tsamaisanang mmoho ba bua puo e tshoanang; ba mokgatlo o le mong ba kgema mmoho.(218)

LENGOPE: *Ho ntsha mosi ka lengope:* ho phinya kapa ho tshoinya.(219)

LENONG: *Ngoana moshanyana ke kabeloa manong:* motho e motona o lokeloa ke ho fuwa mathata ohle le ha ho sa kgonahale.(220)

LENTSOE: *Lentsoe la morena le haeloa lesaka:* seo morena kapa motho e moholo a se buang se tlameha ho ananeloa le ho hlonchoa.(221)

LEOTO: *E kgopjoa e le maoto mane:* mang le mang a ka etsa phoso ho sa natsoe boemo ba hae ba borui, bofutsana, boholo, bonyane kapa bohlale ba hae.(222)

LEOTO: *Ho qela ho leoto:* ho tsamaya kapa ho tloha sebakeng.(223)

LEOTO: *Leoto ke moloi:* motho o tsamaya a fihle le moo a sa tshoanelang ho fihla teng.(224)

LEPHAKO: *Ho uba lephako:* ho tshoaroa ke tlala e kgolo kapa ho ba le takatso ya dijo.(225)

LEPHAKO: *Ho robala ka lephako:* ho robala ntle le ho ja kapa ho fumana dijo.(226)

LEQOLA: *Lefu le leqoleng la kobo:* motho a ka shoa neng kapa neng ho sa nahanoa.(227)

LERABA: *Tlhapi folofela leraba hobane metsi a pshele o a bona:* tlohela ho tletleba hobane baheno ba hlahetsoe ke kotsi kapa ba shoele o ba bona.(228)

LERAPO: *Lerapo la papa:* seshebo kapa seo ho jelelloang bohobe ka sona.(229)

LERAPO: *Ho suwa lerapo la puleng:* ho etsa ketso e sa thuseng la letho; ho tsitlallela ho etsa ketso hlokang mosola. **Tlh.** Batho babang ba sebedisa lekoko bakeng sa lerapo ha ba sebedisa maele ana.(230)

LERU: *Leru le letsho:* koduwa e hlahileng kapa bothata bo hlahetseng motho kapa naha.(231)

LESAKA: *Lentsoe la morena le haeloa lesaka:* seo morena kapa motho e moholo a se buang se tlameha ho ananeloa le ho hlonchoa.(232)

LESAKA: *Kgomo di boela sakeng/ kgomo di boetse sakeng:* Ho nyala motho wa lelapa kapa seboko se tshoanang le sa ya nyalang.(233)

LESAPO: *Ho ja masapo a hlooho:* ho nahanisa se boletsoeng. Ho nahana haholo ka boemo bo itseng. Ho nahana ka ho batla tharolloa ya bothata bo itseng.(234)

LESAPO: *Lesapo la masapo:* molekane waka eo ke mo ratang haholo.(235)

LESHODU: *Leshodu ke le tshoeroeng:* motho ya tshoeroeng a utsoa ke yena leshodu, empa ya sa tshoaroang a etsa joalo ha se lona.(236)

LESHODU: *Motsoalle wa leshodu ke leshodu:* motho ya nang le kamano le ya etsang bobo o tshoana le yena.(237)

LEPOTLAPOTLA: *Lepotlapotla le ja podi, lesisitheho le ja kgomo:* motho ya potlakang ho etsa dintho o fumana le ho thola hanyane, ya etsang butle o fumana le ho thola haholo.(238)

LEISISITHEHO: *Lepotlapotla le ja podi, lesisitheho le ja kgomo:* motho ya potlakang ho etsa dintho o fumana le ho thola hanyane, ya etsang butle o fumana le ho thola haholo.(239)

LETLAILA: *Letlaila le tlaila moreneng:* motho ya etsang diposo o tshoareloa ke bahabo ha a leka ho bontsha boiteko.(240)

LETLAKA: *Kgang ya monna e kgaoloe ke letlaka:* Ho se dumellane hoa batho ba loantshanang kapa ba ngangisanang ho fedisoa ke batho ba kahodimo ho bona.(241)

LETLAKA: *Letlaka le a raha:* ho ba ngata hoa ntho e itseng; ho etsahala haholo hoa ketsahalo e itseng. **Mohl.** *Ha se dijo ke 'tlaka le a raha. Ha se kgora ke letlaka le a raha.*(242)

LETLOTLO: *Letlotlo le wele mekgoabane:* Monono wa ntho tse tholahalang ha bobebe o fihlile.(243)

LETSETE: *Ho nya matsete:* ho ntsha makunutu; ho bua pinyane.(244)

LETSHOAFO: *Ho kgoba matshoafu:* ho kgutlisa maikutlo; ho itshoara ka mora ho batla ho halefa.(245)

LETSHOELE, LETSHWELE: *Letshoele le beta poho:* ho sebetsa mmoho ho fana ka matla a ho qeta mosebetsi kapele; kopanelo ya mosebetsi e potlakisa qeto ya ona.(246)

LETSOALO: *Letsoalo le molato le ikahlola:* Motho ya molato o wa iponahatsa ka diketso.(247)

LETSOHO: *Ho beha matsoho:* ho hlohonolofatsa ka ho thetsa ka diatla kapa seatla hodima hlooho.(248)

LETSOHO: *Letsoho la monna le mokolla:* motho wa monna o kenya letsoho mosebetsing a thuse ha a fihla ho sebetsoa.(249)

LETSOHO: *Ho inela matsoho metsing:* ho leballa diphoso kapa mefokolo.(250)

LETSOHO: *Ho ba letsoho:* ho utsoa kapa ho ba leshodu.(251)

LLA: *Lehlaahlela le lla ka le leng:* batho ba tlemeha ho thusana.(252)

LLA: *Ho lla sa mmokotshana:* ho lla haholo ntle le ho thola.(253)

LLA, LENG: *Ngoana ya sa leng o shoela tharing:* motho ya thotseng le ha a na le bothata a ka bolawa ke tloaelo e joalo. Motho ya sa kgoneng ho ipuella a ka kena tsietsing e kgolo.(254)

LLELA: *Ho llela motsotso:* ho itshola kapa ho itshoaya phoso ka lebaka la botlaila bo entsoeng pejana.(255)

LLELOE, LLELWE: *Moiketsi ha a lleloe:* motho ya ikarabellang mathateng a hae ha a tlameha ho utloeloa bohloko.(256)

LOMA, LOMME: *ho loma tsebe:* ho joetsa motho emong ditaba tse ncha kapa lekunutu.(257)

LOMAHANYA: *Ho lomahanya meno:* ho tsitlallela ntho e itseng.(258)

LOMELA: *Ke nta ya selomela kobong:* lehlabaphio kapa sera; motho ya iketsang eka o rata emong empa ho se joalo.(259)

	MMM

MAFISA: *Ho isa pelo mafisa:* ho lahleha hoa mohopolo; ho ba nqe nngwe ka monahano; ho nahana ka thata ka tsela e utloisang pelo bohloko haholo.(260)

MAFOLOMABE: *Ho ipona mafolomabe:* ho itshoaya diphoso; ho ipona molato.(261)

MAHANAJOETSOA: *Ngoana mahanajoetsoa o mmona ka dikgapha:* motho ya manganga ya sa batleng ho eletsoa o bonahala ka sello.(262)

MALOTSANA: *Ho di hlaba malotsana:* ho elellisoa; ho hlokomedisa; ho eletsisa; ho hlaha leseding; ho fa maele kapa maelana; ho bontsha kapa ho hlaloesa ka botlalo.(263)

MAMELLO: *Mamello e tsoala katleho:* ho tiisetisa mathateng ho a putsa; katleho e fumanoa ke ba nang le tiisetso bophelong.(264)

MANE, NNE: *E kgopjoa e le maoto mane:* mang le mang a ka etsa phoso ho sa natsoe boemo ba hae ba borui, bofutsana, boholo, bonyane kapa bohlae ba hae.(265)

MANOLO: *Mathata a hloele manolo hodimo:* ho boima hofeta kamoo ho neng ho lebeletsoe kateng. Ha ho bonolo ho ya ka tsela eo eneng e nahannoe.(266)

MAOBANE: *Ho se je sengoathana sa maobane:* ho hana sejo se setseng letsatsi le fetileng.(267)

MAOBANE: *Ngoana setsoha le pelo ya maobane:* motho ya mosa ebile a boesela nako e ngata; motho ya mohau haholo.(268)

MATHATA: *Mathata a hloele manolo hodimo:* ho boima hofeta kamoo ho neng ho lebeletsoe kateng. Ha ho bonolo ho ya ka tsela eo eneng e nahannoe.(269)

MARA: *Ha se mara ha se ho fela:* ha se ho fela kapa qetello ya ketsahalo kapa ketso e itseng.(270)

MARABE: *Marabe o jewa ke bana:* ebang ho na le dijo tse nyane tse setseng lapeng, batsoadi ba tla di tella bana ba bona ho di arolelana.(271)



MARABE

MASENE: *Masene ha se boi:* bohlae ha se bokoala. (709).

MASIASIANE: *Masiasiane (mahloka lebelo) ya senang sekaja mmae a tele:* tlhodisano e bolelang hore ya sa kgoneng ba habo ba le bale ka tlholo.(272)

MATALA: *Dia bela dia hloebe, makgulo ho psha a matala:* motho ho tsofala le ho kgathala ya neng a le motle, matla, mafolofolo ebile a tumme haholo mme a qetelle a tsofetse, a le mobe ebile a hloka matla.(273)

MATHE: *Ho ba mathe le leleme:* ho ba le setsoalle se seholo le. Ho utloana haholo le.(274)

MATLA: *Ho kgathala matla:* ho ba boemong ba ho nyahama pelo ka lebaka la ketso e sa lebeloang kapa e sa thabiseng.(275)

MATLA: *Kopano ke matla:* bommoho bo eketsa sefutho sa se etsoang kapa se reriloeng; tumellano ya bongata ba batho e phethahatsa tabatabelo ya bona.(276)

MELA: *Moloi ha a mele boya:* motho e mobe wa boitshoaro bo kgohlhahetseng ha a bonoe ka matshoao a ikgethang.(277)

MESO: *Meso e tsoala mesoana:* ha metsotso e ntse e tsamaya empa se lokeloang ho etsoa se so phethoe; ha nako e ntse e senyeha kapa e tsamaya ntle le ho phetha se tlamehang ho phethoa.(278)

METSI: *Thupa e otolloa e sa le metsi:* ngoana o rutoa melao a sa le monyane pele a ba manganga. Motho o lokisoa a sa le monyane dilemong.(279)

METSI: *Ho inela matsoho metsing:* ho leballa diphoso kapa mefokolo.(280)

METSI: *Metsi a macha a ntsha a kgale:* mohlankana kapa morati ya kgonang ho nkela emong moratuwa kapa kgarebe ya hae ka tsa marato.(281)

METSI: *Tlhapi folofela leraba hobane metsi a pshela o a bona:* tlohela ho tletleba hobane baheno ba hlahetsoe ke kotsi kapa ba shoele o ba bona.(282)

MME, MMA: *Mma ngoana o tshoara thipa ka bohaleng:* motsoadi e motshehadi wa motho o tshireletsa ngoana wa hae ka tsela tsohle tseo anang le tsona le ha ho le thata joang.(283)

MME, MMA: *Ha e antshe ka mokukutoana mma yona a le teng:* ho keke hoa hlaloso a seo monga taba a ka se hlalosing a le sio; ho keke hoa botsoa motho ya sa tsebeng boemo ba ditaba ntle le ho botsa ya di tsebang ka botlalo. Ho batla dikarabo tse nepahetseng ho ya nang le dikarabo.(284)

MMANTSHEPE: *Ho tshepa tshepedi ya mmantshepe:* ho ba le tebello e sio kapa e kekeng ya etsahala.(285)

MMELA: *Ha mmela o ntse o puta.* Ha nako e ntse e tsamaya.(286)

MMELE: *Ho lala taba ka mmele:* ho etsa eka ha ho letho; ho iphpanya.(287)

MMESA, BESA: *Mmesa mohloana ha a fanye:* motho ya fuweng boikarabelo bo itseng ba maemo a hodimo ha a tlameha ho etsa phoso.(288)

MMETLAKGOLA, 'METLAKHOLA: *Mmetlakgola o lebisa ho wa habo:* motho ya kgonneng ho atleha kapa ho phomella ho fihlela maemo a matle o joetsa ba habo hore le bona ba tsebe ho a fihlella.(289)

MMOHO: *Ntoa kea madula mmoho:* batho le ha ba ka dula mmoho ba ratana ba tla nne ba loane ka nako tse ding.(290)

MMOKOTSHANA: *Ho lla sa mmokotshana:* ho lla haholo ntle le ho thola. (291)

MMOLAI: *Nonyana kahlamela mmolai:* Motho ya sa lemoheng batho batla mo ntsha kotsi ka baka la bothoto boo a nang le bona.(292)

MMUWANE, 'MUOANE: *Monono ke mohodi ke mmuane:* letlotlo kapa borui bo boholo bo na le ho fela kapele; motho a keke a ba le leruo bophelo bohle ba hae.(293)

MMUSO: *Ho fahla mmuso ka lehlabathe:* ho kgentsha; ho koatisa; ho utloisa bohloko bo boholo; ho sithabetsa pelo; ho hlabehisa; ho kgopisa; ho hlokoatsa maikutlo.(294)

MMUTLA: *Ho robatsa mmutla:* ho qhekanyetsa ka ho thetsa.(295)

MMUTLA: *Mmutla wa kotloa tsebe o tshoha difotle:* motho ya kileng a hlaloea ke kotsi kapa tsietsi o tshaba le ntho tse sa tshoseng. Motho ya kileng a otloa kapa a shatjoa haholo o na le letsoalo la ho etsa phoso.(296)



Mmutla.

MODISANA: *Modisana wa kgotso:* Jesu Krete.(297)

MOETSUWA, MOETSUOA: *Moetsuwa ha a lebale, empa moetsi o wa lebala:* motho ya entsoeng hampe ha a lebale se entsoeng ho yena, empa ya entseng bobo yena o wa lebala.(298)

MOFUFUTSO: *Mofufutso waka o wela boeng joalo ka wa ntja:* ho sebeletsa lefela; ho sebetsa ka thata, ha boima ntle le ho putsoa.(299)

MOFUFUTSO: *Monna o tla phela ka mofufutso wa phatla ya hae:* motho (haholo monna kapa motho e motona) o tla sebetsa ka thata ho fihlella kapa ho fumana seo a se batlang.(300)

MOFUFUTSO: *Ho ja mofufutso wa phatla ya hao:* ho phela ka seo o tla se sebeletsang kapa seo o se sebeletsang.(301)

MOFUTA: *Mofuta ha o nkgoe ka nko e se qoba la kwae:* mohlankana kapa moroetsana o huta molekane le ba habo ba se ba dula mmoho.(302)

MOHAHLAUDI: *Mohahlaudi wa dithota:* terene kapa chuchumakgala ya maeto a malelele. Tem. Batho babang ba sebedisa lentsoe, mohahlaudi ho ya ka dibaka tsa Basotho. Mantsoe ana, “mohahlaula” le “mohahlaudi” a na le meeelo e tshoanang.(303)

MOHLOANE, MOHLWANE: *Mmesa mohloane ha a fanye:* motho ya lebeletseng ketso e itseng ya bohlokoa eo a sa tlamehang ho etsa phoso, hohang.(304)

MOHLOMI: *Ho tsamaya ka la mohlomi:* ho tsamaya ka maoto ho ya sebakeng se itseng.(305)

MOIKETSI: *Moiketsi ha a lleloe:* motho ya ikarabellang mathateng a hae ha a tlameha ho utloeloa bohloko. Ya ipakelang mathata ha a tlameha ho utloeloa bohloko.(306)

MOJALEFA: *Lehlabaphio o ila mojalefa:* Motho ya mona o hononela ba bang, ba nang le tsa bona.(307)

MOJAMORAO: *Mojapele o tshoana le mojamorao:* motho ya jang morao o tla tshoana le ya jeleng pele ka ho kgora. Ya atlehileng hajoale a ka hloleha le yena nako etlang mme a tshoane le ya sa atlehang.(308)

MOJAPELE: *Mojapele o tshoana le mojamorao:* motho ya jang morao o tla tshoana le ya jeleng pele ka ho kgora. Ya atlehileng hajoale a ka hloleha le yena nako etlang mme a tshoane le ya sa atlehang.(309)

MOJI, BAJI: *Le pele di na le baji:* moo o yang teng o tla fumana ba hlalefileng hofeta wena ba tlang ho o qhekanyetsa.(310)

MOKETA: *Moketa ho tsosoa o itekang:* motho ho thusoa ya itekang kapa ya etsang lethonyana.(311)

MOKOKO: *Mekoko ha e qhoaelane:* emong le emong o tlameha ho iketsetsa ntle le ho lebella ho thusoa ke babang.(312)

MOKOPU: *Monna ke mokopu o wa nama:* motho e motona o kgona ho ya kae le kae ka sa marato le ho fereha.(313)



MOKOPU

MOKOTI: *Noha ha e latelloe mokoting:* motho ha a qaloe kapa phephetsoe moo a dulang teng kapa hahabo.(314)

MOKUKUTOANA: *Ha e antshe ka mokukutoana mma yona a le teng:* ho keke hoa hlalosa seo monga taba a ka se hlalosang a le sio; ho keke hoa botsoa motho ya sa tsebeng boemo ba ditaba ntle le ho botsa ya di tsebang ka botlalo. Ho batla dikarabo tse nepahetseng ho ya nang le dikarabo.(315)

MOLALA: *Ho tiisa molala:* ho ba manganga haholo. (589).

MOLALA: *Ho satallatsa molala:* ho bontsha manganga; ho ngangella. (590).

MOLALA: *Ho dula motho molaleng:* ho qobella emong ho etsa ketso ntle le boikgethelo. (591).

MOLALA: *Ho ba molala:* ho atleha haholo mmeleng; ho nona hamonate. (592).

MOLALA: *Ho diha molala:* ho inehela khatellong ya emong. (593).

MOLAMU: *Ho busetsa molamu sefateng:* ho iphetetsa kapa ho etsa se entsoeng ho wena ho moetsi.(316)

MOLATA: *Sepa leholo ke la molata:* bafihle kapa batho ba bacha sebakeng ba latelloa le ka dipphoso tse nyane tse sa reng letho.(317)

MOLATO: *Letsoalo le molato le a ikahlola:* Motho ya molato o wa iponahatsa ka diketso.(318)

MOLEBO: *Raka le shoetsoe ke molebo:* motho o lahlehetsoe ke molekane kapa motho eo a mo ratang haholo.(319)

MOLEMO: *Boipabatso ha bo tsoele molemo:* ho ithorisa ha ho thuse ka letho.(320)

MOLLO, MOLLONG: *Ho buela nonyana mollong:* ho senya ditaba kapa ho ntsha sephiri pele ho nako.(321)

MOLODI: *Bana ba kgoale ba bitsana ka molodi:* moferefereng le bothateng bobong le bobong bana ba motho ba batlana mme ba thusane.(322)

MOLOI: *Leoto ke moloi:* motho o tsamaya a fihle le moo a sa tshoanelang ho fihla teng.(323)

MOLOI: *Moloi ha a mele boya:* motho e mobe wa boitshoaro bo kgohlatseng ha a bonoe ka matshoao a ikgethang.(324)

MOLOMO: *Lebitla la kgomo ke molomo:* kgomo ha e shoele ha e patoe lebitleng empa e ya jewa.(325)

MOLOMO: *Sejo senyane ha se fete molomo:* dijo tse teng tse nyane di ka abeloa batho ba bangata; bonyane bo teng bo ka aroleloa boholo ba batho bohle ntle le hi timana. Se senyane seo renang le sona re ka se arolelana.(326).

MOLOMO: *Ho koala molomo:* ho itholela kapa ho ba ntle le puo. (594).

MOLOMO: *Ho bula molomo:* ho bua haholo; ho ba ntle le kgotso. (595).

MOLOMO: *Ho kena motho hanong:* ho bua emong a so qete ho bua. (596).

MOLOMO: *Ho itshoara molomo:* ho makala haholo. (597).

MOLOMO: *Ho tsoa molomo:* ho bua ka mora ho thola hoa nako e telele.(598).

MOLOMO: *Ho rephisa molomo:* ho iketsa sehole kapa motho ya sa tlang. (599).

MOLOMO: *Ho ba molomo o mobe:* ho bua ntho e mpe e phethahale. (600).

MOLOMO: *Ho ba molomo o monate:* ho thabisa ba mametseng ka dipuo tse hohelang ke sebui. (601).

MOLOMO: *Ho bebenya molomo:* ho thothometsa kapa ho sothaka dipounama nakong ya ho bua. (602)

MOLOTA: *Ho tsoha molota:* ho tseba ho etsa ketso e itseng ka baka la matla a sa tsoa ho fumanoa.(327)

MONAKALADI: *Ho ja monakaladi wa kebolela:* ho dula le ho phomola ha monate ntle le mosebetsi o boima. Ho roba monakedi.(328)

MONGANGA, MENGANGA: *Letsatsi le hloohong tsa menganga:* ke motshehare o moholo; hara mpa ya motshehare.(329)

MONNA: *Monna o tla phela ka mofufutso wa phatla ya hae:* motho (haholo monna kapa e motona) o tla sebetsa ka thata ho fihlella kapa ho fumana seo a se batlang.(330)

MONNA: *Monna ha a bone habedi:* Se kileng sa etsahala ho motho se sebe se keke sa hlola se etsahala hape ka lebaka la ho ithuta bohloko ba sona.(331)

MONNA: *Ho ema le monna wa mateneng:* ho ba mathateng a maholo; ho tsieleha; ho se kgone ho rarolla mathata; ho thatafalloa.(332)

MONNA: *Letsoho la monna le mokolla:* motho wa monna o kenya letsoho mosebetsing a thuse ha a fihla ho sebetsoa.(333)

MONNA: *Monna* ke mokopu o wa nama: motho e motona o kgona ho ya kae le kae ka tsa marato le ho fereha.(334)

MONNA: *Ho ema le monna mateneng:* ho ba boemong ba tsietsi e kgolo le bothata.(335)

MONNA: *Seja monna ha se moqete:* motho ya phelekanyetsang kapa ya qhekanyetsang emong a keke a mo futsanehisa.(336)

MONOANA, MONWANA: *Ho chaela monoana:* ho fana ka tumello ya ho etsa se itseng.(337)

MONONO: *Monono* ke mohodi ke mmuane: letlotlo kapa borui bo boholo bo na le ho fela kapele; motho a keke a ba le leruo bophelo bohle ba hae.(338)

MONONO: *Kgopi e raho ke monono:* motho ya hlokang teboho kapa ya nyedisang mothusi wa hae.(339)

MONYALA, MONYADI: *Monyala* ka pedi o nyala wa hae: motho ya ratang kgarebe kapa moroetsana wa hae o mo nyala le ha a hloka dikgomo kapa chelete e batlahalang bakeng sa lenyalo.(340)

MONYELA, NYELA: *Monyela* sediba: motho ya senyang se mo thusitseng le ho mo sebeletsa.(341)

MOPUTSO: *Moputso* wa sebe ke lefu: Phoso le tlolo ya molao e ka baka ho shoa kapa timelo.(342)

MORA: *Ho otloa ka mora tsebe:* ho jalletsoa; ho qhekanyetsoa.(343)

MORAO: *Koekoe ya morao e tloha le sepolo:* motho ya etsang dintho ka lenama o fumana mathata kapa ha a fumane letho.(344)

MORAO: *Ho fatela morao joalo ka kgoho:* ho sebetsa ntle le tema. Ho etsa ntho e hlokang thuso. Ho sebeletsa lefeela.(345)

MORENA: *Morena* ke kgomo e chitja: Morena ha a na mokgwa o le mong oo a tsejwang ka wona.(346)

MORENA: *Lentsoe la morena le haeloa lesaka:* seo morena kapa motho e moholo a se buang se tlameha ho ananeloa le ho hlonchoa.(347)

MORENA: *Morena* ke morena ka sechaba: moetapele o ba teng ka lebaka la batho feela.(348)

MORENENG, MORENA: *Letlaila le tlailela moreneng:* motho ya etsang diphoso o tshoareloa ke bahabo ha a leka ho bontsha boiteko.(349)

MORETO, MERETO: *Bana ba tadi ba tshoana ka mereto:* batho ba diketso tse mpe kapa tse ntle ba na le letshwao (letshoaho) kapa tloaelo eo ba tshoanang ka sona.(350).

MORIRI: *Ho baleha moriri:* ho tshoha haholo ke se etsahalang lesumatha. (603).

MORO: *Ho tshola tlhako morong:* ho baleha ka lebelo le lehlo.(351)

MORO: *Moro* kgotla ha o okoloe: ditaba di bewa pepeneneng ntle le ho patoa.(352)

MOROALO, MORWALO: *Tlou ha sitoe ke moroalo:* se sengata seo motho a nang le sona se keke sa mo hlola.(353)

MOROALO, MORWALO: *Senkhanang se nthola moroalo:* seo ke hlokang katleho ho sona se fokotsa boima boo ke nang le bona; ya sa nkutloisiseng o nkimolla mathateng.(354)

MOSEHLO, MOSEHLONG: *Ha e thala e thalla mosehlong:* ho kgutlela hae ka mora bosio; ho ya lapeng ho ba heno kapa ba lelapa ka mora ho nyamela.(355)

MOSENENE, MESENENE: *Mehlolo ke dinoha, mesenene ke batho:* ketso kapa ketsahalo e sa tloaelehang ha e hlaloso ke leihlo le kelello.(356)

MOSHA: *Mosha* ha o fula oa qamaka: motho o tlameha ho elahloko ha a etsa eng kapa eng.(357)

MOSHANYANA: Ngoana *moshanyana* ke kabeloa manong: motho e motona o lokeloa ke ho fuwa mathata ohle le ha ho sa kgonahale.(358)

MOSI: Ho beha ka *mosing*: ho ba boemong bo bakang mathata mmoho le ho se tshireletsehe; ho ba maemong a ka bakang kotsi. (359)

MOSI: Ho ntsha *mosi* ka lengope: ho phinya kapa ho tshoinya.(360)

MOTHO: Ho ja *motho* direthe: ho etsa diketso tse sa rateheng bosiong ba motho emong.(361)

MOTHO: *Motho* ke *motho* ka batho babang: motho o kgona ho atleha, tsoelapele, thaba, nyakalla le ho rua ka lebaka la ho phedisana le babang. O keke wa kgona ho phela bophelo bohle o le mong kapa ntle le leloko, baahisane mmoho le metsoalle.(362)

MOTSAMAI: *Motsamai* o ja noha: motho ya leetong ya lapileng o ja eng kapa eng eo a e fuwang kapa eo a kopanang le yona. Ya lapileng o ja tsohle.(363)

MOTSE, METSE: *Metse e metle (kantle) diotloana*: tshobotsi ya motho e ka thetsa kapa ya kgelosa; chebahalo ya motho ha e hlalose pelo kapa kelello ya hae.(364)

MOTSHEHARE: Hara mpa ya *motshehare*: nako eo letsatsi le leng bohareng ba lehodimo qetellong ya hoseng le qalong ya thapama. Pakeng tsa hoseng le thapama.(365)

MOTSHEO: Ho ngalla *motsheo*: ho kgena ntle le ho tsoa kapa ho baleha ka tlung kapa sebakeng seo o dulang ho sona.(366)

MOTSOALLE, MOTSWALLE: *Motsoalle* wa leshodu ke leshodu: ya etsang diketso tse mpe tsa e mobe o tshoana le yena. (367)

MOTSOALLE, MOTSWALLE: *Motsoalle* wa hlooho ya kgomo: motho eo emong anang le kamano e ntle haholo ya bokgotsi.(368)

MOTSOETSE, MOTSWETSE: Ho kena *motsoetseng*: ho ba sebakeng se sa dumelloang.(369)

MOTSOTSO, METSOTSO: *Metsotso e jele babedi*: nako e ile; nako e tsamaile haholo; nako e se e re sihile haholo.(370)

MOTSOTSO: Ho llela *motsotso*: ho itshola kapa ho itshoaya phoso ka lebaka la botlaila bo entsoeng pejana.(371).

MOYA: Ho kgora motho *moya*: ho kgotsofatsoa kapa ho thabisoa ke motho.(604).

MOYA: Ho noa *moya*: ho leba kapa ho ya sebakeng se itseng. (605).

MOYA: Ho kenya motho *moya*: ho hlohleletsa emong ho latela diketso tse mpe kapa tse ntle. (606).

MOYA: Ho ntsha *moya*: ho phinya kapa ho phomola. Ho kgefutsa. (607).

MOYA: Ho senyeha *moya*: ho utloa bohloko haholo. (608).

MOYA: Ho duba *moya*: ho utloisa emong bohloko haholo. (609).

MOYA: Ho sollisa *moya*: ho nahana ka thata, ha boima, ka dintho tse ngata tse bohloko.(610).

MPA: *Mpa tshelha* ha e bolaye: ha feela motho a jele a kgotshe, tseding ha di hlokahale.(372)

MPA: Hara *mpa* ya *motshehare*: nako eo letsatsi le leng bohareng ba lehodimo qetellong ya hoseng le qalong ya thapama. Pakeng tsa hoseng le thapama.(373)

MPA, MPANA: Ho ja sa *mpana* phatloha: ho ja hofeta tekanyo. Ho ja haholo.(374)

MPHE, FA: *Mphempe* e ya lapisa, motho o kgonoa ke sa hae: ho kopa ho baka tlhopheho ho ya fanang molebe, ho molemo hore ya kopang a leke ho ipatlela.(375).

MPHO: *Mpho* ha e halaloe: se fanoang ntle le tefiso se amoheloa le ha se le senyane kapa se sa kgahle hakaalo.(376).

NNN

NAHA: *Naha* e jele boya: kotsi di hohle naheng; botlokotsebe bo tletse kapa bo atile sebaka le naha yohle.(377)

NAHA: *Ho ipha naha:* ho baleha sebakeng; ho tloha ka ho nyamela.(378)

NAHA: *Ho tlalloa ke naha:* ho ba mathateng a maholo a bakang hore motho a se tsebe seo a ka se etsang. Ho thatafalloa haholo; ho ba tebetebeng.(379)

NALA: *Kgotso, pula, nala:* lepetjoa la Basotho le bontshang boteng ba tsohle tse hlokahalang tsa bohlokoa bophelong.(380)

NALE, DINALE: *Ho ikenya tshotso dinaleng:* ho ikenya hara mathata; ho ipakela bothata kapa mahlomola.(381)

NALE, DINALE: *Ho tsoa ka lesoba la nale:* ho phunyeletsa kapa ho phomella hara mathata; ho ba lehlohonolo moo holeng boima.(382)

NAMANE: *Ke Namane e tona:* motho e motona wa moshanyana, monna kapa mohlankana.(383)

NAMA, NAMENG: *Ho ntsha mahlo nameng:* ho ba malala a laotsoe; ho ba boemong ba ho itebela kgahlanong le kotsi e ka hlahang.(384)

NCHOCHO: *Ho sheba ka leihlo le nchocho; ho ba leihlo le nchocho:* ho ba hlokolosi ka se etsahalang ka sepheo sa ho thibela phoso kapa bobbe bo ka etsahalang. Ho ba malala a laotsoe; ho ikatela.(385)

NGALA, NGALLA: *Ho ngalla motsheo:* ho kgena ntle le ho tsoa kapa ho baleha ka tlung kapa sebakeng seo o dulang ho sona.(386)

NGOANA, NGWANA: *Ngoana ya sa lleng o shoele tharing:* motho ya thotseng le ha a na le bothata a ka bolawa ke tloaelo e joalo. Motho ya sa kgoneng ho ipuella a ka kena tsietsing e kgolo.(387)

NGOANA, NGWANA: *Mma ngoana o tshoara thipa ka bohaleng:* motsoadi e motshehadi wa motho o tshireletsa ngoana wa hae ka tsela tsohle tseo anang le tsona le ha ho le thata joang.(388)

NGOANA, NGWANA: *Ngoana moshanyana ke kabeloa manong:* motho e motona o lokeloa ke ho fuwa mathata ohle le ha ho sa kgonahale.(389)

NGOANA, NGWANA: *Ngoana lekgala o tsamaya ka lekeke:* diketso tsa motho di bontsha ho futsa ntatae kapa mmae; se etsoang ke ngoana ke bopaki ba lefutso la motsoadi.(390)

NGOANA, NGWANA: *Ke Ngoana setsoha le pelo ya maobane:* motho ya mosa ebile a boesesela nako e ngata; motho ya ya mohau haholo.(391)

NGOANA, NGWANA: *Ngoana phakoe se ipolele, motho o motle ha o boleloa ke babang:* ha ho molemo ho ipabatsa ka dintle tsa hao, ho molemo ha o babatsoa ke batho babang.(392)

NGOANA, NGWANA, BANA: *Marabe o jewa ke bana:* ebang ho na le dijo tse nyane tse setseng lapeng, batsoadi ba tla di tella bana ba bona ho di arolelana.(393)

NKA, NKO: *Ho nkoa ke pelo:* ho halefa ntle le ho ithiba kapa boithibo. (668).

NKATANA: *Ho hafa ka nkatana:* ho hula ka thata; ho sotleha; ho futsaneha.(393)

NKGA: *Ho nkgalefotha:* ho ba mmelaelloa.(394)

NKGA, NKGISETSA, NKGISETSANA: *Ho nkgisetsana mahafi:* ho loantshana. Ho ntshana bothaka ka ho loana.(395)

NKO: *Ha ho nko ho tsoa lemina:* ha ho motho ya buang; ha hona ya fanang ka maikutlo; bohle ba thotse, ha ba batle ho bua.(396)

NKO: *Mofuta ha o nkgoe ka nko e se qoba la kwae:* mohlankana kapa moroetsana o ithuta molekane le ba habo ba se ba dula mmoho.(397)

NKO: *Ha ho nko komeng: ??*(398)

NKO: *Ho soenya nko:* ho bontsha ho se ananele se itseng ka ho tsitsinya nko ka tsela e sa thabiseng. (611).

NKO: *Ho dupa ka nko:* ho akanya se tla etsahala kapa ho noha. (612).

NKO: *Ho famola dinko:* ho bula masoba a nko ka ho botsha ho qhosa, boikgantsho kapa tello. (613).

NKO: *Ho fefena nko:* ho soenya ka lebaka la boikgohomoso. (614).

NKO: *Ho soaba nko ho feta molomo:* ho phoqahala haholo ntle le tebelloa; ho soabisoa ke boemo bo neng bo sa lebelloa. (615).

NKO: *Ho qhaqha dinko:* ho bula masoba a nko haholo. (616).

NKOTO, NKOTONG: *Phepheletsane sehloba se nkotong(mokotong):* Ketso kapa boemo boo hoseng bonolo ho bo pata. Tlhahiso ya lekunutu ka motho ya sa kgoneng ho itshoara ebile a qabanya. Moqabanyi.(399)

NKU, DINKU: *Ho thiba dinku:* ho thekesela kapa ho ho tsamaya hampe ka lebaka la ho tawa kapa ho noa joala haholo.(400)



Nku

NOA, NWA, NOELE, NOESA: *Mofata sediba ha a se noe:* motho eo eleng yena a qadileng kapa ya qapileng boemo bo itseng ha a kgone ho bo sebedisa.(401)

NOHA: *Noha ha e latelloe mokoting:* motho ha a qaloe kapa phephetsoe moo a dulang teng kapa hahabo.(402)

NOHA: *Motsamai o ja noha:* motho ya leetong ya lapileng o ja eng kapa eng eo a e fuwang kapa eo a kopanang le yona. Ya lapileng o ja tsohle.(403)

NOKA: *Noka e tlatsoa ke dinokana:* ntho tse kgolo tse ntle bophelong di etsahala ho ba qadileng hanyane.(404)

NOKA: *Mahlo a tshela noka e tletse:* mahlo a bona moo monga ona a kekeng a fihla teng; mahlo a bona le moo holeng kotsi le ha monga ona a keke a atamela moo.(405)

NOLONOLO: *Nolonolo* e ya inolofoaletsa, thatathata e ya ithatafaletsa: boemo bo bonolo bo hloakang manganga bo etsetsa moetsi manolo, empa manganga a thathafaletsa monga ona maemo.(406)

NONE: *Ha e lale makoala re none:* ha ho be le kgotso bakeng sa rona bohle ba ratang toka le kgutso.(407)

NONE: *O seke wa kgahloa ke none e feta; ho kgahloa ke none e feta:* O se lekehe ke se bonoang ka mahlo se ka kgelosang boemong bo botle.(408)

NONYANA: *Nonyana* kahlamela mmolai: Motho ya sa lemoheng batho batla mo ntsha kotsi ka baka la bothoto boo a nang le bona.(409)

NONYANA: *Ho buela nonyana mollong:* ho senya ditaba kapa ho ntsha sephiri pele ho nako.(410)

NONYANA: *Nonyana* e haela ka ditshiba tsa enngwe: motho o hloka thuso ya babang ho atleha kapa ho phethahatsa seo a batlang ho se etsa.(411)

NTA, DINTA: *Ke nta ya selomela kobong:* lehlabaphio kapa sera; motho ya iketsang eka o rata emong empa ho se joalo.(412)

NTHOLA, THOLA: *Senkhanang se nthola moroalo:* seo ke hloakang katleho ho sona se fokotsa boima boo ke nang le bona; ya sa nkutloisiseng o nkimolla mathateng.(413)

NTJA: *Ntja pedi ha e hloloe ke sebata:* batho ba fetang bonngoe ha ba hloloe ke ntoa kapa boemo bo boima.(414)

NTJA: *Le sele ebile le sele le bohoeng ba ntja:* ha ho ponahalo ya maru hohle lehodimong kapa sepakapakeng.(415)

NTJA: *Ntja setshoarisa mohlope:* Motho ya sebetsang ka bolotsana, a sa rate.(416)

NTJAPEDI: *Ntjapedi ha e hloloe ke sebata:* batho ba fetang bonngwe ha ba hloloe ke ntoa kapa boemo bo boima.(417)



Ntja

NTLHA: *Lemao le ntlha pedi:* motho ya qabanyang babang kapa metsoalle ka ho bua dipuo tse fapaneng bathong bao.(418)

NTOA, NTWA: *Ntoa* kea madula mmoho: batho le ha ba ka dula mmoho ba ratana ba tla nne ba loane ka nako tse ding.(419)

NTSHA: *Metsi a macha a ntsha a kgale:* bokgoni ba mohlankana kapa morati ya kgonang ho nkela emong moratuwa kapa kgarebe ya hae ka tsa marato.(420)

NTSHA: *Ho ntsha mahlo nameng:* ho ba malala a laotsoe; ho ba boemong ba ho itebela kgahlanong le kotsi e ka hlahang.(421)

NTSHI, NTSI: *Ho kolla ntshi hanong:* ho sotleha kapa ho fumaneha haholo.(422)

NTSHO, NTSO: *Ho ba le pelo e ntsho:* ho hloka takatso ya dijo; ho se batle ho ja ka lebaka la ho se phele hantle mmeleng; ho felloa ke takatso ya ditheohelang.(423)

NTSHWE, NTSOE: *Ho tsoa ka ntshoe di sa fohloa:* ho tloha sebakeng ka tsela e hloakang monate; ho tsamaya ho se monate.(424)

TSHOELA, TSHWELA: *Ntho e mpe e a tshoeloa:* bobbe bo tshabehang bo tlamaha ho kgoefeleloa ka mathe; sebe se loketsoe ke ho tshoeloa ka mathe.(425)

NTSOEKHE, NTSHWEKGE: *Ho matha la ntshoekge:* ho matha ka lebelo le leholo ka ho fetisisa.(426)

NYA, NYELA: *Ho nya matsete:* ho ntsha makunutu; ho bua pinyane.(427)

NYAHAMA: *Ho nyahama pelo:* ho felloa ke tshepo le mamello. (672).

NYEKISA: *Ho nyekisa pelo:* ho halefisa; ho koatisa kapa ho tena; ho bakela ho hlatsa kapa ho hlatsisa. (677)

NYALA: *Monyala ka pedi o nyala wa hae:* motho ya ratang kgarebe kapa moroetsana wa hae o mo nyala le ha a hloka dikgomo kapa chelete e batlhalang bakeng sa lenyalo.(428)

NYELA: *Monyela sediba:* motho ya hlokang teboho ka se mo thusitseng. (429)

000

OKOLA: *Moro kgotla ha o okoloe:* ditaba di bewa pepeneneng ntle le ho patoa.(430)

OMA, OMILE: *Phiso di omile methaladi:* dijo di fedile ka botlalo.(431)

OPA, OPILE: *Ho opa kgomo lenaka:* ho ba boemong ba ho nepa taba; ho bua se nepahetseng.(432)

OROHA: *Ho boka ha di oroha:* ho lebella sephetho sa se etsahalang kapa se buuwang onajoale, hamorao.(433)

OTLA, OTLOA: *Ho otloa ka mora tsebe:* ho jalletsoa; ho qhekanyetsoa.(434)

OTLOLLA, OTLOLLOA: *Thupa e otolloa e sa le metsi:* ngoana o rutoa melao a sa le monyane pele a ba manganga. Motho o lokisoa a sa le monyane dilemong.(435).

PPP

PANYA: *Ka ho panya hoa leihlo:* hanghang ka potlako; kapelenyana haholo.(436)

PEDI: *Lemao le ntlha pedi:* motho ya qabanyang babang kapa metsoalle ka ho bua dipuo tse fapaneng bathong bao. Moqabanyi.(437)

PEDI: *Monyala-ka-pedi o nyala wa hae:* motho le ha e le mofutsana o ntsha bonyane boo a nang le bona ho nyala eo a mo ratang.(438)

PELA: *Pela e ne hloke mohatla ka lebaka la ho romeletsa:* motho ya romeletsang babang o tla hloka tse ntle tsa bohlokoa bophelong; ho robeletsa ho etsa hore motho a lahleheloe ke tsa bohlokoa.(439)

PELA: *Ho kopana le pela di falla:* ho tobana le se sa lebelloang haholo se sebe; ho ba maemong a ho hlaseloa ntle le tebello kapa boikemisetsa; ho bontshoa se sa lebelloang.(440)

PELE: *Le pele di na le baji:* moo o yang teng o tla fumana ba hlalefileng hofeta wena ba tlang ho o qhekanyetsa.(441)

PELO: *Ho beha pelo sekotlolong:* ho se potlakele tebello e itseng; ho ba le mamello ya se tshepitsitsoeng le ha se nka nako ho phethahala.(442)

PELO: *Ho ba le pelo e telele:* ho ba meharo; ho ja haholo le ha ho sa hlokahale; ho batla tsohle le ha tse hlokahalang di le teng.(443)

PELO: *Ho ba le pelo e kgutshoane:* ho kgena ha bobebe; ho koata ka pelenyana; ho utloa bohloko ka pelenyana; ho hlabehisoa ke ntho e nyane kapa masawana.(444)

PELO: *Ho ba le pelo e ntsho:* ho hloka takatso ya dijo; ho se batle ho ja ka lebaka la ho se phele hantle mmeleng; ho felloa ke takatso ya ditheohelang.(445)

PELO: *Ho ba le pelo e tshoau:* ho thaba haholo; ho ba boemong ba kgotsofalo le boiketlo ba maikutlo; ho ikutloa monate; ho ba ntle le mathata; ho phela ha monate.(446)

PELO: *Ke ngoana setsoha le pelo ya maobane:* motho ya mosa ebile a boesela nako e ngata; motho ya mohau haholo.(447)

PELO: *Ho bua ka pelo;* ho nahana ka thata; ho solla hoa menahano.(448)

PELO: *Ho busetsa pelo madulong:* ho kgaotsa ho kgena; ho kokobetsa khalefo; ho fedisa ho hlonama. (617).

PELO: *Ho thulama ho pelo:* ho hlora haholo; ho hloka thabo kapa monate. (618).

PELO: *Ho fela pelo:* ho halefa haholo; ho kgena kapelenyana. (619).

PELO: *Ho isa pelo mafisa:* ho hlora haholo moyeng; ho hloka monate. (620).

PELO: *Ho dumella pelo:* ho etsa ntho e sa lokang. (621).

PELO: *Ho nkoa ke pelo:* ho halefa ntle le ho ithiba kapa boithibo. (622).

PELO: *Ho hapa pelo:* ho kgahla kapa kgahloa ke motho emong. (623).

PELO: *Ho utsoa pelo:* ho hohela emong ka tsa marato. (624).

PELO: *Ho beta pelo:* ho ikgothatsa ka mora mahlomola kapa mathata. (625).

PELO: *Ho busa pelo:* ho kgotlisa thabo ka mora ho kgena ho hoholo. (626).

PELO: *Ho nyahama pelo:* ho felloa ke tshepo le mamello. (627).

PELO: *Ho tetebela pelo:* ho fokolloa ke tshepo. (628).


PELO: *Ho rutleha pelo:* ho utloa bohloko bo boholo moyeng. (629).

PELO: *Ho ba le pelo:* ho bale bokgoni ba ho mamella se sa mamelloeng. (630).

PELO: *Ho sisa pelo:* ho botsha ho kgena le ka mora ho fela hoa se llisang. (631).

PELO: *Ho nyekisa pelo:* ho halefisa; ho koatisa kapa ho tena; ho bakela ho hlatsa kapa ho hlatsisa. (632).

PELO: *Ho tena pelo:* ho tshoenya maikutlo. (633).



PELO.

PHAHAMISA: *Ho phahamisa ditsebe:* ho hlokomela hohong ho ka tsoelang molemo kapa ho ka hlahisang kotsi. (702).

PHAHLOHA: *Ho ja sa mpana phahloha:* ho ja hofeta tekanyo; ho ja haholo.(449)

PHAKOE: *Ho tsoa phakoeng:* ho ba ntle le kotsi; ho tsoa kotsing; ho lokoloha mathateng kapa boemong bo ka bolayang.(450)

PHAPHATHA: *Ho phaphatha kgotso:* ho etsa hore maemo a be setloaeding mme ho se be le ntoa kapa dikgohlang. Ho bopa kutloano. Ha e phaphathoe.(451)

PHATE: *Ho ba phateng tse chesang:* ho kula haholo ka tsela eo mokudi a hlolehang ho tsoha moalong, moo a robetseng teng.(452)

PHATLA: *Ho ja mofufutso wa phatla ya hao:* ho phela ka seo o tla se sebeletsa kapa seo o se sebeletsang.(453)

PHELA: *Monna o tla phela ka mofufutso wa phatla ya hae:* motho (haholo monna kapa motho e motona) o tla sebetsa ka thata ho fihlella kapa ho fumana seo a se batlang.(454)

PHELA: *Lekanyane ho phela le diretsana (diretse):* ba atlehang bophelong ke ba sa tshabeng phephetso tse thata; ba atlehang bophelong ke ba sa qobeng mathata kapa ba sebete.(455)

PHEPHELETSANE: *Phepheletsane sehloba se nkotong(mokotong):* Ketso kapa boemo boo hoseng bonolo ho bo pata; tlhahiso ya lekunutu ka motho ya sa kgoneng ho itshoara ebile a qabanya. Moqabanyi.(456)

PHETHA: *Ho bua ha se ho phetha:* ya tsebang ho bua ha se ya kgonang ho phethahatsa seo a se bolelang. Kgeleke ha se mophethi wa seo a se bolelang.(457)

PHETLA, PHETLELA: *Ho phetlela motho sefuba:* ho bolella emong diphiri tsohle; ho hlahisa makunutu. (689).

PHIRI: *Ho aha serobe phiri e se e jele:* ho etsa ketso e itseng nako e se e tsamaile ebile ho se ho senyehile. Ho elelloa boemo bo itseng ba bohlokoa ho se ho se na thuso. Ho elelloa kgale.(458)



PHIRI

PHUNYA: *Ho phunya seso se tsoe boladu:* ho bua taba ntle le ho potoloha kapa ho tsilatsila.(459)

PHUTHULLA: *Ho phuthulla sefahleho:* ho bontsha motlotlo ka ho edisa tshobotsi kapa ho bososela. (686)

PITSA: *Pitsa ho fahoa e belang:* motho ya diehang ho nyala kgarebe o tla rakoa mme mohlankana emong a mo nyale pele. Mosetsana ya tsilatsilang o rakoa ke babang mme ba qetelletse ba nkile mohlankana wa hae.(460)

POHO: *Letshoele le beta poho:* ho sebetsa mmoho ho fana ka matla a ho qeta mosebetsi kapele; kopanelo ya mosebetsi e potlakisa qeto ya ona.(461)

POTELE: *Ho ja potele:* ho etsa diketso tseo tlasa maemo a tloaelehileng di sa etsahaleng kapa di sa etsoeng. **Mohl.** *Morena hase mofo ha a je potele.*(462)

PSHA: *Dia bela dia hloeba, makgulo ho psha a matala: koma re sala re di otlala ka hlooho:* motho ho tsofala le ho kgathala ya neng a le motle, matla, mafolofolo ebile a tumme haholo mme a qetelle a tsofetse, a le mobe ebile a hloka matla le botle.(463)

PSHA: *Madiba ho psha a matala:* ho shoa hoa morena e moholo, ho fela hoa lerua le leholohadi le ho wa hoa motho e moholo sechabeng. Ho fela hoa ntho ya bohlokoa e phetseng nako e telele.(464)

PULA, PULENG: *Ho suwa lekoko la puleng:* ho etsa ntho kapa ketso e hlokanang mosola kapa e kekeng ya thusa ka letho.(465)

PUTA: *Ha mmela o ntse o puta.* Ha nako e ntse e tsamaya. **Tlh.** Ho na le phapang e kgolo pakeng tsa mantsoe, “pota” le “puta”. Ho “pota” ho tsamaisana le puo kapa ketso e sa lokang ha ho “puta” ho tsamaisana le phetoho ya ntho e lebisang ho boleng.(466)

QQQ

QAHAMISA: *Ho qahamisa ditsebe:* ho itokisetsa ho baleha. (701).

QAMAKA: *Mosha ha o fula oa qamaka:* motho o tlameha ho elahloko ha a etsa eng kapa eng. (467).

QATI: *Ho hlatsoa motho qati:* ho thabisa haholo; ho nyakallisa; ho thabisa. (634).

QELA: *Ho qela ho leoto:* ho tsamaya kapa ho tloha sebakeng.(468).

QOQOTHO: *Ho dula qoqothong:* ho kgama ntle le ho tlohela molala. (635).

QOTHISA, QOTHISANA: *Ho qothisana lehlokoa:* ho etsa kgang; ho ba le ngangisano; ho loantshana.(469)

RRR

RAHA: *Letlaka le a raha:* ho ba ngata hoa ntho e itseng; ho etsahala haholo hoa ketsahalo e itseng. **Mohl.** *Ha se dijo ke 'tlaka le a raha. Ha se kgora ke letlaka le a raha.*(470)

RAKA: *Raka le shoetsoe ke molebo:* ho lahlehela ke moratuwa wa bohlokoa.(471)

RAMO: *Ho checha hoa ramo ha se ho baleha:* ho ya morao hoa motho ha se ho baleha empa ke ho nka matla; ho kgoechella morao ke ho nka matla kapa ho itlokisa.(472)

RATHA: *Selepe sa bohoeng se ratha se iname:* mokgoenyana o thusa ka tsohle tseo anang le tsona moo a nyetseng teng ho sa tsotellehe boima ba seo a tlamehang ho se etsa.(473)

ROBATSATS: *Ho robatsa mmutla:* ho qhekanyetsa ka ho thetsa.(474)

ROMELETSATS, ROMELATS: *Pela e ne e hloke mohatla ka lebaka la ho romeletsats:* motho ya romeletsang babang o tla hloka tse ntle tsa bohlokoa bophelong; ho robeletsats ho etsa hore motho a lahleheloe ke tsa bohlokoa.(475).

RUTLEHATS: *Ho rutleha pelo:* ho utloa bohloko bo boholo moyeng. (674)

	SSS

SEALOLO: *Ho tima sealolo* (overwhelm): ho hlola ka matla ohle ka mekgoa yohle.(476).

SEBETE: *Ho dula sebeteng*: ho tena ha bohloko. (636).

SEBETE: *Ho ferola dibete*: ho fedisa takatso ya dijo; ho lahlehisa tapo kapa ho lapa. Ho sulafalletsa takatso.(637).

SEBETE: *Ho setla dibete*: ho utloisa pelo bohloko bo boholo. Ho halefisa. (638).

SEBETE: *Ho ba sebate*: ho ba ntle le letsoalo kapa tshabo ya ho etsa se itseng; ho hloka letsoalo ka botlalo. (639).

SECHABA, SETJHABA: *Morena ke morena ka sechaba*: moetapele o ba teng ka lebaka la batho feela.(477)

SEDIBA: *Mofata sediba ha a se noe*: motho eo eleng yena a qadileng kapa ya qapileng boemo bo itseng ha a kgone ho bo sebedisa.(478)

SEDIBA: *Monyela sediba*: motho ya hlokang teboho ka se mo thusitseng.(479)

SEFAHLAMAHLO: *Ho joetsa sefahlamahlo*: ho bolella motho taba ka ho mo toba ntle le tshabo.(480).

SEFAHLEHO: *Ho hula sefahleho*: ho halefa haholo ka ho sotha tshobotsi. (640).

SEFAHLEHO: *Ho edisa sefahleho*: ho botsha lethabo ka ho kganya hoa tshobotsi; ho bontsha nyakallo ka ho phuthulla sefahleho. (641).

SEFAHLEHO: *Ho phuthulla sefahleho*: ho bontsha motlotlo ka ho edisa tshobotsi kapa ho bososela. (642).

SEFAHLEHO: *Ho busa sefahleho*: ho bontsha ho halefa ka ho sosobanya tshobotsi ya sefahleho; ho kgena haholo. (643).

SEFATE, SEFATENG, DIFATE: *Ho busetsa molamu sefateng*: ho iphetetsa kapa ho etsa se entsoeng ho wena ho moetsi.(481)

SEFATE: *Ho tshetleha sefate*: ho thibela batho ba motse kapa sebaka seseng ho kena motsoetseng ka mora kuruetsa ya ngoana.(482).

SEFUBA: *Ho hloka sefuba*: ho hloka sephiri; ho hloleha ho pata lekunutu.(644).

SEFUBA: *Ho phetlela motho sefuba*: ho bolella emong diphiri tsohle; ho hlahisa makunutu. (645).

SEFUBA: *Ho tshoaroa ke sefuba*: ho ba le lefu la ho kgohlela kapa ho tsoa mamina le bakoang haholo ke mohatsela kapa kokoanahloko. (646).

SEHLOBA: *Phepheletsane sehloba se nkotong(mokotong)*: Ketso kapa boemo boo hoseng bonolo ho bo pata. Tlhaliso ya lekunutu ka motho ya sa kgoneng ho itshoara ebile a qabanya. Moqabanyi.(483)

SEHLOTHO: *Ho kena ditaba ka sehlotho*: ho ba ditabeng tse sa o ameng ebile o sa mengoa.(484)

SEJAMONNA: *Sejamonna ha se moqete*: motho ya phelekanyetsang kapa ya qhekanyetsang emong a keke a mo futsanehisa.(485)

SEJO: *Sejo senyane ha se fete molomo*: dijo tse teng tse nyane di ka abeloa batho ba bangata; bonyane bo teng bo ka aroleloa boholo ba batho bohle ntle le hi timana. Se senyane seo renang le sona re ka se arolelana.(486)

SENYANE: *Sejo senyane ha se fete molomo:* dijo tse teng tse nyane di ka abeloa batho ba bangata; bonyane bo teng bo ka aroleloa boholo ba batho bohle ntle le hi timana. Se senyane seo renang le sona re ka se arolelana.(487)

SEKAJA: *Masiastiane! Ya senang sekaja mmae a tele:* tlhodisano e bolelang hore ya sa kgoneng ba habo ba lebale ka tlhoho.(488)

SEKOTLOLO: *Ho beha pelo sekotlolong:* ho se potlakele tebello e itseng; ho ba le mamello ya se tshepitsitsoeng le ha se nka nako ho phethahala. (489)

SELE, SA: *Le sele ebile le sele le bohoeng ba ntja:* ha ho ponahalo ya maru hohle lehodimong.(490)

SELEPE: *Ho thola selepe:* ho tebeloa kapa ho lelekoa mosebetsing; ho ntshoa mokgatlong.(491)

SELEPE: *Selepe sa bohoeng se ratha se iname:* mokgoenyana o thusa ka tsohle tseo anang le tsona moo a nyetseng teng ho sa tsotellehe boima ba seo a tlamehang ho se etsa.(492)

SENGOATHANA: *Ho se je sengoathana sa maobane:* ho hana sejo se setseng letsatsi le fetileng.(493)

SENKHANANG: *Senkhanang se nthola moroalo:* seo ke hlokang katleho ho sona se fokotsa boima boo ke nang le bona; ya sa nkutloisiseng o nkimolla mathateng.(494)

SEOTLOANA, SEOTLWANA: *Metse e metle (kantle) diotloana:* tshobotsi ya motho e ka thetsa kapa ya kgelosa; chebahalo ya motho ha e hlalose pelo kapa kelello ya hae.(495)

SEPOLO: *Koekoe ya morao e tloha le sepolo:* motho ya etsang dintho ka lenama o fumana mathata kapa ha a fumane letho.(496)

SERATI: *Pelo e ja serati:* lerato le utloa ke motho ya ratang.(497)

SERETHE, DIRETHE: *Ho ja motho direthe:* ho etsa diketso tse sa rateheng bosiong ba motho emong.(498).

SERETHE: *Ho hata motho direthe:* ho potlakisa emong; ho etsa hore motho a phakise ho etsa ketso e itseng. (647).

SERETHE: *Ho ba le serethe:* ho ba le nyatsi; ho ba le moqekoa. (648).

SERETHE: *Ho supa motho ka direthe:* ho baleha ka ho matha haholo. (649).

SERETSE, DIRETSE, DIRETSANA: *Lekanyane ho phela le diretsana (diretse):* ba atlehang bophelong ke ba sa tshabeng phephetso tse thata; ba atlehang bophelong ke ba sa qobeng mathata kapa ba sebete.(499)

SEROBE: *Ho aha serobe phiri e se e jele:* ho etsa ketso e itseng nako ese e tsamaile ebile ho se ho senyehile. Ho elelloa boemo bo itseng ba bohlokoa ho se ho se na thuso. Ho elelloa kgale.(500)

SEROMO: *Lebitso lebe ke seromo:* lebitso le fuwang motho le na le ho hlalosa boemo bo bobo kapa bo botle ba hae.(501)

SESO: *Ho phunya seso se tsoe boladu:* ho bua taba ntle le ho potoloha kapa ho tsilatsila.(502)

SETHA: *Ho hloa setha:* ho apareloa ke se itseng ka nqa tsohle; ho potapotoa ke mathata a mangata.(503)

SEHOTO: *Sethoto ke lefa la ba bohlale:* motho ya hlokang bohlale o nkeloa leruo kapa tse ntle tseo a nang le tsona ke ba hlalefileng.(504)

SETLA: *Ho setla dibete:* ho utloisa pelo bohloko bo boholo. Ho halefisa. (682).

SETOPO, SETOTSOANA: *Ho itahlela ka setotsoana:* ho kena ditaba o sa mengoa; ho ba ditabeng ntle le ho bitsoa; ho ba teng ntle le ho laeloa. **Tlh.** Lentsoe lena,

“setotsoana” ha se nyenyefatso ya lebitso, “setopo” eo nyenyefatso ya lona eleng “setoponyana”.(505)

SETSU, SETSOE, SETSWE: *Setsweng ke hole:* ho re che hohang; ho hana nyenyenye.(506)

SHEBA: *Ho sheba ka leihlo le nchocho; ho ba leihlo le nchocho:* ho ba hlokolosi ka se etsahalang ka sepheo sa ho thibela phoso kapa bobbe bo ka etsahalang. Ho ba malala a laotsoe; ho ikatela.(507).

SHEBA: *Ho sheba ka mahlo a makgubedu:* ho tadima ka ho labalabela kapa ho batla ka hohle hohle. Ho lebisa mahlo ho ntho ka ho bontsha kgahleho e kgolo haholo. (708).

SHEBA, SHEBILE: *le fahloa le shebile:* motho a ka etsa phoso a bona kapa a shebile empa a sa e etse ka boomo. (713).

SHOA, SHOELA: *Ngoana ya sa lleng o shoela tharing:* motho ya thotseng le ha a na le bothata a ka bolawa ke tloaelo e joalo. Motho ya sa kgoneng ho ipuella a ka kena tsietsing e kgolo.(508)

SHOA, SHOELA, SHOETSOE: *Raka le shoetsoe ke molebo:* motho o lahlehetsoe ke molekane kapa motho eo a mo ratang haholo.(509).

SISA: *Ho sisa pelo:* ho bontsha ho kgena le ka mora ho fela hoa se llisang.(676).

SUPA: *Ho supa motho ka direthe:* ho balehela ka ho matha haholo.(693).

TTT

TABA: *Ho chaela taba monoana:* ho dumellana le seo ho buuwang ka sona kapa se koptjoang.(510)

TABA: *Taba di mahlong:* se ka pelong mmoho le se nahannoeng ke motho se iponahatsa sefahlehong kapa chebehong ya motho.(511)

TADI: *Ha tadi e antsha:* motshehare o moholo; ha ra mpa ya motshehare.(512)

TAHLEHO: *Tieho e tsoala tahleho:* motho ya lenama o lahlehelo ke tse ntle.(513)

TANGTANG: *Tangtang e kgangwe ke lerole: ??*(514)

TELELE: *Ho ba le pelo e telele:* ho ba meharo; ho ja haholo le ha ho sa hlokahale; ho batla tsohle le ha tse hlokahalang di le teng.(515).

TENA: *Ho tena pelo:* ho tshoenya maikutlo. (678).

TENG: *Ha e antshe ka mokukutoana mma yona a le teng:* ho keke hoa hlalosa seo monga taba a ka se hlalolang a le sio; ho keke hoa botsoa motho ya sa tsebeng boemo ba ditaba ntle le ho botsa ya di tsebang ka botlalo. Ho batla dikarabo tse nepahetseng ho ya nang le dikarabo.(516)

TETEBELA: *Ho tetebela pelo:* ho fokolloa ke tshepo. (673).

THALA: *Ha e thala e thalla mosehlong:* ho kgutlela hae ka mora bosio; ho ya lapeng ho ba heno kapa ba lelapa ka mora ho nyamela.(517)

THANKGA, THANKHA: *Ho dubisa thankga:* ho kopakopanya maikutlo a emong ka ho ferekanya kelello.(518)

THANKGA, THANKHA: *Ho duba **thankga**:* ho kopakopanya maemo a dintho ka lebaka la pherekano.(519)

THAPO: *Ho tihakisa **thapo**:* ho thibela batho ba motse kapa sebaka seseng ho kena motsoetseng ka mora kuruetsa ya ngoana.(520)

THARI: *Ngoana ya sa lleng o shoele **tharing**:* motho ya thotseng le ha a na le bothata a ka bolawa ke tloaelo e joalo. Motho ya sa kgoneng ho ipuella a ka kena tsietsing e kgolo.(521)

THATA, MATHATA: ***Mathata** a hloele manolo hodimo:* ho ba boima hofeta kamoo ho neng ho lebeletsoe kateng. Ha ho bonolo ho ya ka tsela eo eneng e nahannoe. (522)

THATA: *Ho ba hlooho e **thata**:* ho ba manganga haholo.(523)

THEA: *Ho **thea** tsebe:* ho mamela ka hloko e kgolo. (694).

THEKO, DITHEKO: *Ho ya ka **ditheko**:* ho tsamaya ka mola.(524)

THETHESA: *Ho **thethesa** bohadi:* puisano e mabapi le tumellano ya dikgomo kapa tefo e amanang le nyalo la moroetsana ke mohlankana.(525)

THIBA: *Ho **thiba** dinku:* ho thekesela kapa ho ho tsamaya hampe ka lebaka la ho tawa kapa ho noa joala haholo.(526).

THULAMA: *Ho **thulama** pelo:* ho hlora haholo; ho hloka thabo kapa monate. (664).

THUPA: ***Thupa** e otlolloa e sa le metsi:* ngoana o rutoa melao a sa le monyane pele a ba manganga. Motho o lokisoa a sa le monyane dilemong.(527)

THUPA: *Ho **kenya thupa**:* ho shapa; ho otlala; ho hlola; ho natha.(528)

TIEHO, DIEHA: ***Tieho** e tsoala tahleho:* motho ya lenama o lahlehela ke tse ntle.(529)

TLAILA: *Letlaila le **tlailela** moreneng:* motho ya etsang diposo o tshoareloa ke bahabo ha a leka ho bontsha boiteko.(530)

TLALA, TLALLOA: *Ho **tlalloa** ke naha:* ho ba mathateng a maholo a bakang hore motho a se tsebe seo a ka se etsang. Ho thatafalloa haholo. ho ba tebetebeng.(531)

TLATSOA, TLATSWA: *Noka e **tlatsoa** ke dinokana:* ntho tse kgolo tse ntle bophelong di etsahala ho ba qadileng hanyane.(532)

TLETSE, TLALA: *Mahlo a tshela noka e **tletse**:* mahlo a bona moo monga ona a kekeng a fiha teng; mahlo a bona le moo holeng kotsi le ha monga ona a keke a atamela moo.(533)

TLHAPI: ***Tlhapi** folofela leraba hobane metsi a pshela o a bona:* tlohela ho tletleba hobane baheno ba hlahetsoe ke kotsi kapa ba shoele o ba bona.(534)

TLOHA: *Ho re mahlo **tloha**/ha ke re mahlo **tloha**:* ha ke hlokomela hamorao kapa ho elelloa ketso e itseng hamorao kotsi e se e etsahetse.(535)

TLOHA: *Koekoe ya morao e **tloha** le sepolo:* motho ya etsang dintho ka lenama o fumana mathata kapa ha a fumane letho.(536)

TLOU: ***Tlou** ha e sitoe ke moroalo:* se sengata seo motho a nang le sona se keke sa mo hlola.(537)



TSHELA: *Mahlo a tshela noka e tletse:* mahlo a bona moo monga ona a kekeng a fiha teng; mahlo a bona le moo holeng kotsi le ha monga ona a keke a atamela moo.(538)

TONA: *Ke Namane e tona:* motho e motona wa moshanyana, monna kapa mohlankana.(539)

TOPO: *Ho ja topo:* ho kgena haholo; ho koata haholo.(540)

TOSA: *Ho bona tosa le madinyane a yona:* ho makatsa motho ka ho etsa diektso, haholo tsa ntoa, tse sa lebelloang.(541)

TSAMAYA: *Ho tsamaya ka la mohlomi:* ho tsamaya ka maoto ho ya sebakeng se itseng.(542)

TSAMAYA: *Ngoana lekgala o tsamaya ka lekeke:* diketso tsa motho di bontsha ho futsa ntatae kapa mmae; se etsoang ke ngoana ke bopaki ba lefutso la motsoadi.(543)

TSEBE, TSEBA: *Ho se tsebe ke lebote:* tlhokeho ya tsebo e ka ntsha lewatla kotsi.(544)

TSEBE: *Ho kadima tsebe:* ho mamela.(545)

TSEBE: *Ho loma tsebe:* ho joetsa motho emong ditaba tse ncha kapa lekunutu.(546)

TSEBE: *Hlathe e lelekisa tsebe:* ponahalo ya ho thaba kapa ho bontsha ho kgotsofala ha ho etsahala ketso e itseng.(547)

TSEBE: *Mmutla wa kotloa tsebe o tshoha difotle:* motho ya kileng a hlaheloa ke kotsi kapa tsietsi o tshaba le ntho tse sa tshoseng. Motho ya kileng a otloa kapa a shatjoa haholo o na le letsoalo la ho etsa phoso.(548)

TSEBE: *Ho otloa ka mora tsebe:* ho jalletsoa; ho qhekanyetsoa.(549).

TSEBE: *Ho thea tsebe:* ho mamela ka hloko e kgolo. (650).

TSEBE: *Ho hloaya tsebe:* ho mamedisa ka thata. (651).

TSEBE: *Ho bula ditsebe:* ho mamela hantle ka ho batla ho utloisisa. (652).

TSEBE: *Ho isa tsebe:* ho lebisa tsebe nqa ya puo kapa modumo o etsoang bakeng sa ho utloa hantle. (653).

TSEBE: *Ho diha ditsebe:* ho bontsha bothoto bo boholo. (654).

TSEBE: *Ho adima ditsebe:* ho kopa ho mameloa. (655).

TSEBE: *Ho fora ditsebe:* ho baleha ka letsoalo le leholo. (656).

TSEBE: *Ho qahamisa ditsebe:* ho itokisetsa ho baleha. (657).

TSEBE: *Ho phahamisa ditsebe:* ho hlokomela hohong ho ka tsoelang molemo kapa ho ka hlahisang kotsi. (658).

TSEBE: *Ho ithiba ditsebe:* ho se mamele hohang. (659).

TSEBE: *Ho hlohlontsha tsebe:* ho etsa diphoso puong; ho bua puo tse sa lokang; ho bua puo tse nang le ditlhapa. (660).

TSEBE: *Ho tshoara ka ditsebe:* ho suna, ho aka kapa ho meta. (661).

TSEBE: *Ho hloka tsebe:* ho se mamele; ho se utloe hoa ngoana ka ho bontsha ho seba. (662).

TSEBE: *Ho ba tsebetutu:* ho se utloe ditsebeng. (662).

TSELA: *Ho utloa ka lehlokoana la tsela:* ho joetsoa ditaba tse itseng tsa lekunutu pele di phatlalatsoa kapa pele di tsejoa.(550).

TSHEHLA, TSEHLA: *Mpa tshela ha e bolaye:* ha feela motho a jele a kgotshe, tse ding ha di hlokahale.(551)

TSHELA, TSELA: *Mahlo a tshela noka e tletse:* mahlo a bona moo monga ona a kekeng a fiha teng; mahlo a bona le moo holeng kotsi le ha monga ona a keke a atamela moo.(552)

TSHEPA: *Ho tshela tshepedi ya mmantshepe:* ho ba le tebello e sio kapa e kekeng ya etsahala.(553)

TSHETSHEKWANE, TSETSEKOANE: *Ho ema ka ditshetshekoane:* ho ba le mmele o motle, o otlohileng, o molelele hantle.(554)

TSHIBA, TSIBA, LESIBA: *Ho aha ka tshiba tsa emong:* ho sebedisa bohale, leano, leqheka kapa kakanyo ya motho emong ho phethahatsa morero wa hao.(555)

TSHIBA, TSIBA, LESIBA: *Nonyana e haela ka tshiba tsa enngwe:* motho o hloka thuso ya babang ho atleha kapa ho phethahatsa seo a batlang ho se etsa.(556)

TSHOARA, TSHWARA: *Ho tshoara tlhola(hlolo) ka boya: ??(557)*

TSHOARA, TSHWARA *Mma ngoana o tshoara thipa ka bohale:* motsoadi e motshehadi wa motho o tshireletsa ngoana wa hae ka tsela tsohle tseo anang le tsona le ha ho le thata joang.(558).

TSHOARA: *Ho tshoara ka ditsebe:* ho suna, ho aka kapa ho meta. (705).

TSOENE, TSHWENE: *Tshoene ha e ipone lekopo:* motho ha a bone diketso tsa hae tse mpe, empa o bona tsa babang.(559)

TSHOARA: *Ho tshoara ke sefuba:* ho ba le lefu la ho kgohlela kapa ho tsoa mamina le bakoang haholo ke mohatsela kapa kokoanahloko. (690).

TSHOERE, TSHWERE, TSOARA: *Leshodu ke le tshoeroeng:* motho ya tshoeroeng a utsoa ke yena leshodu, empa ya sa tshoaroang a etsa joalo ha se lona.(560)

TSHOEU, TSHWEU: *Ho ba le pelo e tshoeu:* ho thaba haholo; ho ba boemong ba kgotsofalo le boiketlo ba maikutlo; ho ikutloa monate; ho ba ntle le mathata; ho phela ha monate.(561)

TSHOHA: *Ho tshoha difotle:* ho ba le letsoalo kgahlanong le ntho e sa tshoseng. Ho tshaba ntho e sa tshoseng. Ho tshoha letho. (562)

TSHOHA: *Mmutla wa kotloa tsebe o tshoha difotle:* motho ya kileng a hlhela ke kotsi kapa tsietsi o tshaba le ntho tse sa tshoseng. Motho ya kileng a otloa kapa a shatjoa haholo o na le letsoalo la ho etsa phoso.(563)

TSHOLA: *Ho tshola tlhako morong:* ho baleha ka lebelo le lehlo.(564)

TSHOLOA: *Bo tsholoe bo chesa, bo tsohe bo fodile:* maikutlo a khalefo a kokobela ha nako e ntse e tsamaya.(565)

TSHOTSO: *Ho ikenya tshotso dinaleng:* ho ikenya hara mathata; ho ipakela bothata kapa mahlomola.(566)

TSIE: *Tsie di jana seropong:* Batho ba leloko kapa mofuta o le mong ha o loantshana.(567)

TSOALA, TSWALA: *Mamello e tsoala katleho:* ho tiisetša mathateng ho a putša; katleho e fumanoa ke ba nang le tiisetšo bophelong.(568)

TSOALA, TSWALA: *Meso e tsoala mesoana:* ha metsotšo e ntse e tsamaya empa se lokeloang ho etsoa se so phethoe; ha nako e ntse e senyeha kapa e tsamaya ntle le ho phetha se tlamehang ho phethoa.(569)

TSOHA: *Ngoana setsoha le pelo ya maobane:* motho ya mosa ebile a bošesela nako e ngata; motho ya mohau haholo.(570)

TSOSA, TSOSOA: *Moketa ho tsosoa o itekang:* motho ho thusoa ya itekang kapa ya etsang lethonyana.(571)

TSUO: *Ho ja tsuo:* ho jalletša motho emong. **Mohl.** *Monna enoa o ntjele tsuo. O hlokomele ba se ke ba o ja tsuo.*(572)

TSUONYANA: *Ha ho tsuonyana phatela (fatela) nngwe:* bophelong motho kamong o tlameha ho ipatlela tse hlokaahalang bophelong ntle le ho tshepa babang.(573)

UUU

UTLOA, UTLWA: *Ho utloa ka lehlokoana la tsela:* ho joetsoa ditaba tse itseng tsa lekunutu pele di phatlalatsoa kapa pele di tsejoa.(574)

WWW

WELA, WELE: *Letlotlo le wele mekgoabane:* Monono wa ntho tse tholahalang ha bobebe o fihlile.(575)

YYY

YONA: *Ho bona tosa le madinyane a yona:* ho makatsa motho ka ho etsa diektšo, haholo tsa ntoa, tse sa lebelloang.(576)

(OUTSTANDING NUMBERS: 713)

TEMOSO LE TLHOKOMEDISO HO BASOTHO:

Ebang ho na le maele, maelana kapa mekgabo-puo kapa dika-puo tseo o nahanang hore ha dia kenyeletsoa bukaneng ena, re kopa o di romele ho:

Mong. Madiela Chitja.

212 Naledi Extention 2,

PO. Kwa-Xuma,

Johannesburg,

1868.

KAPA

Email address tsena:

Madiela.chitja3@gauteng.gov.za

Smchitja@hotmail.com

Hape, dika-puo, mekgabo-puo, maelena le maele amang le amang a romelloang mona a tla hlahlojoa pele a kenyeletsoa bukaneng ena ka ho etsa dipatlisoso le mafapha a amehang.

Sesotho se sebedisoang bukaneng ena se akga sa Lesotho mmoho le sa Afrika Borwa. Kahoo mmadi a se kgathatsehe.

Rea leboha.